

摘藻堂四庫全書薈要

集部

欽定四庫全書薈要

集部

庚子山集卷二



詳校官原任編修臣徐立綱

欽定四庫全書薈要卷一萬三千五百三十九

集部

庾子山集卷二

周 庾信 撰

錢塘倪璠纂註

哀江南賦

并序

哀江南賦者哀梁亡也本傳信雖位望通顯常作鄉閭之思乃作哀江南賦以致其意宋玉招魂曰魂兮歸來哀江南宋玉戰國時楚人梁武帝都建鄴元帝都江陵二都本戰國楚地故云舊本序列諸篇哀江南賦在印竹杖賦之後今為詮解其文繁多特為一卷

粵以戊辰之年建亥之月大盜移國金陵瓦解

南史梁武帝紀

大清二年八月戊戌侯景舉兵反十月侯景襲譙州進攻陷歷陽已酉景自橫江濟采石辛亥至建鄴是太清二年歲在戊辰十月為建亥之月侯景兵至京城也爾雅釋詁粵於爰曰也疏云為語辭發端也大盜謂侯景也後漢光武贊炎政中微大盜移國江表傳張紘謂孫權曰秣陵楚武王所置名為金陵昔秦始皇東巡會稽經此縣望氣者云金陵地形有王者都邑之氣故掘斷連岡改名秣陵今處所具存矣漢書徐樂上書曰安土樂俗之人衆故諸侯無余乃竄身荒谷公私塗炭

說文竄匿

也杜預左傳注荒谷楚地本傳侯景至信以衆先退臺城陷後信奔江陵是竄身荒谷也商書有夏昏德民墜塗炭孔傳曰若陷泥墜火無救之者言已去後公室私門俱遭其塗炭也華陽奔命有去無

歸

梁元帝承聖三年信使於西魏是年冬江陵陷遂留北不歸南郡江陵在華陽言從華陽奔命而北至長

安遂不歸也常劇著華陽國志西魏都長安班固西都

賦漢之西都在於雍州實曰長安雍州在華山之陰矣

左傳楚中公巫臣遺二子書曰余必使爾罷

中興道銷

於奔命以死子重子反於是乎一歲七奔命

窮於甲戌

言元帝江陵之敗也南史元帝紀承聖三年魏使于謹來攻冬十月魏軍至襄陽梁王啓

率衆會之十一月魏軍至柵下帝見執魏人戕帝是年

歲在甲戌按元帝承制江陵剋平侯景既雪讐耻且應

天人啓中興之業江陵之陷是

中興道銷窮於甲戌之年也

三日哭於都亭三年囚

於別館

晉書羅憲傳魏之伐蜀憲守永安城及城都敗知劉禪降乃率所部臨於都亭三日左傳國人

大臨守陴者皆哭杜云臨哭也昭二十三年傳曰叔孫

姑如晉晉人執之館諸箕舍子服昭伯於他邑杜注別

囚之言江陵之陷已時奉使  
長安為魏所執遙臨國亡矣  
天道周星物極不反

左氏傳曰

十二年是謂一終一星終也杜注歲星十二歲而一周  
天正義曰直言一星終知是歲星者以古今厯書推步  
五星金水日行一度土三百七十七日行星十二度火  
七百八十日行星四百一十五度木三百九十八日行  
星三十三度十二年一終故知是歲星歲星天之貴神  
所在必昌按左傳歲在鶉火而陳滅析木之津又將復  
由蔡凶復在豕韋楚凶復在大梁越得歲而吳伐之不  
及四十年越遂有吳皆云天之道也是周星之時物極  
必反也梁元帝江陵敗後竟不能復故下云但有身世  
王室之悲也史記春申君曰臣聞物至則反冬夏是也  
正義曰至極也極則反也  
傳變之但悲身世無處求生

後漢書傳燮字南容北地靈州人也為漢陽太守賊王  
國韓遂等進圍漢陽城中兵少糧盡燮猶固守子幹年

十三從在官舍諫曰國家昏亂遂令大人不容於朝今天下已叛而兵不足自守鄉里羌胡先佩恩德欲令棄郡而歸徐至鄉里率厲義徒見有道而輔之以濟天下言未終變慨然呼子幹曰別成汝知吾必死邪蓋聖達節次守節世亂不能養浩然之志食祿又欲避其難乎吾行何之必死於此幹哽咽不能復言左右皆泣下遂麾左右進兵臨陣戰沒諡曰壯節侯

袁安之每念王室自然流涕

後漢書袁安字

郇公汝南汝陽人也安為司徒以天子幼弱外戚擅權每朝會進見及與公卿言國家事未嘗不噫鳴流涕

昔桓君山之志事

一作士

杜元凱之平生並有著書成能

自序

後漢書桓譚字君山著書二十九篇號曰新論晉書杜預字元凱著春秋經傳集解杜預自序曰少

而好學在官則觀於吏治在家則滋味典籍

潘岳之文采始述家風

世說潘岳作家

風詩晉書潘岳字安

陸機之辭賦先陳世德

陸機集有祖德述先

仁榮陽中牟人也

二賦入文賦云詠世德之駿烈晉書陸機字士衡吳郡人也祖遜吳丞相父抗吳大司馬世為將相有大勳於

江表信年始二毛即逢喪亂貌是

一作狼狽

流離至於暮齒

左氏

傳曰不禽二毛杜預注二毛頭白有二色潘岳秋興賦序余春秋三十有二始見二毛以滕王道序已亥年六

十七歲逆數之逢亂之歲予山時年三十有六左傳以是貌諸孤詩邶風云流離之子毛傳流離烏也少好長醜始而愉樂終以微弱箋云衛之諸臣初有小善終無成功似流離也陸機云流離象也自關西謂象為流離漢書師古注流離謂亡其居處也子山丁年出使皓首不歸是賦暮年所作雖位望通顯常有鄉關之思故云流離至暮齒也一作狼狽孔叢子孔子曰吾於狼狽見聖人之志荀悅漢紀論曰周勃狼狽失據塊然囚執西



陽雜俎狼狽是兩物狽前足絕短每行駕兩  
狼失狼則不能動故言世事乖者稱狼狽

燕歌遠別

悲不自勝

魏大帝有燕歌行北史王褒傳曰褒作燕歌  
妙盡塞北苦寒之言元帝及諸文士和之而

競為悽切及江陵為魏師所破元帝  
出降方驗焉子山集中亦有此作

楚老相逢泣將何

及徐州先賢傳曰楚老彭城之隱人也謝靈運為廬陵  
王墓下作曰延州協心許楚老惜蘭芳解劍竟何及

撫墳徒自傷楚老謂漢世弔龔勝者也子山本國江陵  
世居楚地言江陵引楚事多以自喻此楚老蓋指彭城  
之楚老也漢書兩龔皆楚人也勝字君賓舍字君倩並  
著名節徵為光祿大夫舍年六十八王莽居攝中卒莽  
遣使徵勝勝曰吾受漢厚恩無以報今年老矣旦暮人  
地誼豈以一身事二姓下見故事哉語畢遂不復開口  
飲食積十四日死有父老來弔哭甚哀既而曰嗟乎薰  
以香自燒膏以明自銷龔生竟天天年非吾徒也遂趨

而出信本楚人為魏周所逼何異王莽時故  
引此事深慙楚龔傷其身事二姓絕紀唐矣  
畏南山之

雨忽踐秦庭讓東海之濱遂餐周粟

列女傳陶荅子妻曰妾聞南山有玄

豹霧雨七日而不下食者何也欲以澤其毛而成文章  
故藏而遠害淮南子曰申包胥累繭重胫七日七夜至  
於秦庭以見秦王曰使下臣告急秦王乃發軍擊吳果  
大破之以存楚國元帝都江陵本楚地西魏都長安故  
曰秦庭信之至秦亦欲存楚也又按漢書孫會宗書田  
彼南山張宴曰山高而在陽人君之象也或其時迫於  
君命不敢不行以南山喻君所未詳矣或云畏南山之  
雨是寤叔送子事按左傳般有二陵南陵夏后皋之墓  
北陵文王之所避風雨不得云南山之雨也讓東海之  
濱者蓋指魏周禪受也史記田大公和遷齊康公於海  
上云讓者微詞也遂餐周粟者宇文氏國號曰周故假  
夷齊周粟為此言元帝畏秦兵之下使已聘魏忽踐秦

庭也及江陵既陷身留長安見周受魏禪遂終仕於周也又史記伯夷自海濱來歸之正義曰伯夷孤竹國在平州濱東海也夷齊始為讓國而逃其後不食周粟似是一事然於子山不類按之上句不得引東海周粟為

一事

下亭漂泊高橋

一作

羈旅

後漢獨行傳高陽孔嵩辟公府之京師道宿下

亭盜共竊其馬後漢書梁鴻至吳依大家皋伯通居廡下唐梁肅梁高士碣云作銘皋橋萬古是望今閭門內有高橋是楚歌非取樂之方魯酒無忘憂之用

漢書戚夫人涕泣上曰為

我楚舞吾為若楚歌歌曰鴻鵠高飛一舉千里羽翼已就橫絕四海又可奈何雖有繒繳尚安所施歌數闋戚夫人歔歔流涕上起去罷酒又項羽敗四面皆楚歌莊子魯酒薄而邯鄲園許慎淮南子注楚會諸侯魯趙俱獻酒於楚王魯酒薄而趙酒厚楚之主酒吏求酒於趙趙弗與吏怒乃以趙厚酒易魯薄酒奏之楚王以趙酒

薄故園邯鄲也漢書東  
方朔曰銷憂者莫若酒

追為此賦聊以記言不無危苦

之辭惟以悲哀為主

漢書藝文志古之王者世有史官  
左史記言右史記事此賦記梁朝

之興亡治亂及已世之飄颻播遷古有詩史此可謂賦  
史矣嵇叔夜琴賦序稱其材幹則以危苦為上賦其聲

音則以悲

日暮途遠

一作窮

人間何世

吳越春秋子胥謝  
申包胥曰吾日暮

哀為主

途遠吾故倒行而逆施之又漢書主父偃曰吾日暮故

倒行逆施之莊子有人問世篇言已老矣無能為也已

以下復序自梁至魏哀建

將軍一去大樹飄零

後漢馮  
異傳每

所止舍諸將並坐論功異常獨屏樹下故軍中號大樹

將軍將軍一去大樹飄零者言已率宮中文武千餘人

營於朱雀航及已退為侯

壯士不還寒風蕭瑟

戰國策  
荆軻為

景所據是其飄零者也

燕太子丹報讎去至易水太子送之宋意為擊筑軻援  
劍舞歌曰風蕭蕭兮易水寒壯士一去不復還其精誠  
感天白虹貫日後嬴秦王悞中銅柱身死於秦宮楚辭  
宋玉曰蕭瑟兮草木搖落而變衰壯士不還者言已出  
使西魏如荆

荆壁琬柱受連城而見欺

史記趙惠文王得和氏之璧秦

昭王聞之使人遺趙王書願以十五城易璧趙王遂使  
蔣相如奉璧入秦秦王坐章臺見相如相如奉璧奏上  
相如視秦王無意償趙城乃前曰璧有瑕請指之王授  
相如相如持璧倚柱怒髮上衝冠曰觀大王無意償趙  
城邑故臣復取璧大王必欲殺臣臣頭與璧俱碎於柱  
矣因持璧睨柱秦王恐破璧乃謝相如言聘於西魏為  
魏所欺也

載書橫階捧珠盤而不定

史記平原君傳平原君與楚合從日中不決毛

遂按劍歷階而上責楚王楚王曰唯唯遂曰從定乎王  
曰定矣毛遂捧銅盤而跪進之楚王遂定從而歸左氏

傳曰晉士莊子為載書杜注載書盟府周禮王府若合諸侯則供珠槃玉敦鄭注珠槃以珠飾槃所以盛牛耳言出使之後反遭鍾儀君子入就南冠之囚左傳成七年楚子重

魏兵是從不定也

鍾儀君子入就南冠之囚

左傳成七年楚子重

伐鄭鄭人囚鄭公鍾儀獻諸晉晉人以鍾儀歸囚諸軍府九年傳云晉侯觀於軍府見鍾儀問之曰南冠而縶者誰也有司對曰鄭人所獻楚囚也使稅之召而弔之再拜稽首問其族對曰伶人也使與之琴操南音范文子曰楚囚君子也重為之禮使歸求成季孫行人留守言已本楚人今來秦地若南冠之囚矣

季孫行人留守

西河之館

左傳昭十三年盟於平丘晉人執季孫叔魚曰鮒也聞諸吏將為子除館於西河言已遂

留於長安也

申包胥之頓地碎之以首

左傳定四年吳伐楚戰於柏舉楚師敗績

五戰及郢昭王奔隨申包胥如秦乞師立依於庭牆而哭日夜不絕聲勺飲不入口七日秦哀公為之賦無衣

九頓首而坐  
秦師乃出

蔡威公之淚盡加以血

劉向說苑蔡威公閉門而泣三

日三夜淚盡而繼之以血曰吾國且亡言使

魏之後江陵遭兵革之患已無處求救也

釣臺移一作

移柳非玉關之可望

未詳按漢書龍勒有玉門關又酒泉郡有玉門關駟云漢罷玉門屯

徙其人於此班超所謂但願生入玉門關者也又按吳志孫權於武昌臨釣臺飲酒大歡晉陽秋陶侃鎮武昌嘗課諸營種柳又侃嘗整陣於釣臺楊柳歌亦云武昌城下誰見移非玉關之可望者大約言征夫遠戍故鄉園柳不能復見也子山羈紲長安不勝玉關之情矣武昌本漢之鄧縣屬江夏曾為鄧州別駕論水戰事為武帝所賞或是追念在鄧州時不可復得也一作移柳古今注移柳亦曰蒲柳爾雅楊蒲柳郭云可以為箭釣臺移柳非遠戍玉關者能望猶華亭唳鶴非敗於河橋者可開引古自喻或是兩截未必一如陸機故事武昌有

釣臺陶侃之鎮武昌夏施盜植官柳又子山作歌有武昌移柳之文武昌釣臺宣其是耶華亭鶴唳

### 豈河橋之可聞

世說陸平原河橋敗為盧志所讒被誅臨刑嘆曰欲聞華亭鶴唳可復得乎注

八王故事曰華亭吳由拳縣郊外墅有清泉茂林陸機兄弟共遊於此十餘年孫策以天下為

### 三分衆纔一旅

吳志孫策字伯符吳郡富春人策父堅

從袁術術以堅部曲還策遂平定江東權稱尊號追諡策曰長沙桓王陸遜傳昔桓王創基兵不一旅而開創大業左氏傳曰夏少康逃奔有虞有田一成有衆一旅復禹之績杜預云五百人為旅三分魏蜀吳也項

### 籍用江東之子弟人惟八千

漢書項籍字羽下相人也籍斬會稽假守梁乃召故

人所知豪吏諭以所為遂舉吳中兵使人收下縣得精兵八千人及敗笑曰籍與江東子弟八千人渡而西



遂乃分裂山河宰割天下

過秦論曰宰割天下分裂山河

豈有百萬義

師一朝卷甲芟夷斬伐如草木焉

言孫策以一旅之衆項籍用八千之人遂

成吳楚而梁朝百萬之師竟無所用傷建業亦以悼江陵也南史侯景反武帝聞之使太子家令王質率兵三千巡江邊防景至質無故自退歷陽太守莊鐵降景西豐公大椿棄石頭城走謝禧亦棄白下城走援兵至北岸號百萬後皆走侯景傳景嘗戒諸將曰破柵平城當淨殺之今天下知我威名故諸將戰勝專以焚劫為事斬艾人如草芥江陵之敗王僧辯未至而荊州已平于謹入江陵胡僧祐等戰死杜畿等被害男女數萬口外為奴婢弱小者皆殺之是前後二敗誅戮無餘矣左傳曰如農夫之務去草焉芟夷蘊崇之月令虞人入山行木毋有斬伐

江淮無涯岸之阻亭壁無藩籬之固

臺城之陷莊鐵尊景

至江王質無故自退而侯景濟自采石矣江陵之敗會  
蕭譽於襄陽襲宗均於武寧而于謹遂臨城下矣言其  
失之易也說文江水出蜀湔氐徼外岷山入海淮水出  
南陽平氏桐柏大復山東南入海涯水邊也爾雅郭璞  
注云兩厓高者為岸漢官儀曰十里一亭亭長持二尺  
板以劾賊索繩以收執賊又曰亭長課徼巡尉遊徼亭  
長皆習設備五兵風俗通曰漢家因秦大率十里一亭  
亭留也蓋行旅宿會之所館亭說文壁垣也杜預左傳  
注壁司徒主壘壁者過秦論下篇云曾無  
籬籬之艱言梁朝失國之易不備不虞也

合從締交

史記陳餘傳頭會箕歛以供軍費漢書音義  
曰家家人頭數出穀以箕歛之過秦論合從

締交相與為一鋤耰棘矜者因利乘便

過秦論鋤耰棘矜不敵  
於鉤戟長鎗也又云因

利乘便宰割天下孟康曰耰鋤柄也爾雅曰棘戟也師  
古曰耰摩田器也矜與謹同謂矛鋌之把也侯景之亂

梁祚漸衰陳氏日盛陳霸先其本甚微卒受梁禪頭會  
箕歛鋤耨棘荆者言其以布衣起兵也又霸先之起也  
胡頊廣州結託徐度交趾委質程靈洗周鐵武錢道戩  
駱文牙等皆為所用南史所云感會風雲擢自降附者  
也此皆合從締交

### 將非江表王氣終於三百年乎

序梁亡因

言江表王氣之盡也秦時望氣者曰東望有天子氣其  
後吳大帝孫權都建業皓遷都武昌自黃龍元年至天  
紀四年凡五十一年中斷東晉太興元年歷宋齊梁至  
敬帝太平二年凡二百四十一年共二百九十二年云  
三百舉其成數也合陳則三百二十四年

### 是知并吞六

### 合不免軹道之災

過秦論曰并吞八荒之心久曰履至尊而制六合漢書沛公至霸上秦王

子嬰素車白馬繫頸以組封皇帝璽符節降枳道旁師古曰枳音軹軹道亭在霸成觀西四里

### 混一車

書無救平陽之禍

史記張儀曰混一諸侯禮記車同軌書同文晉書懷帝永嘉五年劉聰使

呼延晏等陷洛陽遷帝於平陽遇害愍帝建興四年劉曜陷長安送帝於平陽亦遇害言臺城之禍擬於平陽

江陵出降符

嗚呼山嶽崩頽既履危亡之運

禮記泰山其頽乎國

語山崩川竭亡之徵也國策唐雖曰權輕於鴻毛而積禍重於山嶽

春秋迭代必有去故

之悲

東京賦春秋改節四時迭代

天意人事可以悽愴傷心者矣

阮嗣

宗咏懷詩曰素質遊商聲悽愴傷我心

况復舟楫路窮星漢非乘槎可上

賈誼治安策曰是猶渡江河亡維楫師古曰楫所以刺船也博物志舊說天河與海通近世有人居海濱者年年八月有浮槎去來不失期人有奇志立飛閣於槎上多齎糧乘槎而去千餘日中猶觀日月星辰自後茫茫

忽亦不覺晝夜去十餘日奄至一處有城廓狀屋室甚  
嚴遙望宮中多織婦見一大夫牽牛渚飲之牽牛人驚  
問曰何由至此此人具說來意并問此是何處答曰君  
還至蜀郡訪嚴君平則知之竟不上岸因還如期後至  
蜀問君平曰某年月日有客星犯牽牛宿計年月正是此人到天河時也

### 風飈道阻蓬萊無

### 可到之期

飈回風也揚雄曰風發飈拂詩邈徊從之道阻且長蓬萊海上三山名漢書郊祀志自威

宣燕昭使人入海求蓬萊方丈瀛洲此三神山者其傳  
在渤海中去人不遠蓋有至者諸仙人及不死之藥皆  
在焉其物禽獸盡白而黃金銀為宮闕未至望之如雲  
及到三神山反居水下臨之患且至則風輒引船而去  
終莫能至云拾遺記蓬萊山亦名防丘亦名雲東高二  
萬里廣七萬里水淺有細石如金玉得之不加陶冶自  
然光淨仙者服之路窮道阻以喻窮者欲達其言勞者  
已之道窮也故下云達言歌事矣

須歌其事

晉書王隱曰古人不遇則以言達其才陸士

衡聞而撫掌是所甘心

晉書陸機初入洛擬作三都賦聞左太冲作之撫掌大笑與弟

士龍書曰此間有傖父欲作三都賦須其成以覆酒甕耳及左賦出遂輟筆焉張平子見而陋

之固其宜矣

後漢書曰張衡字平子南陽西鄆人也藝大類聚云昔班固觀世祖遷都於洛邑懼

將必踰溢制度不能遵先王之正法也故假西都賓客稱長安舊制有陋洛邑之議而為東都主人折禮衷以答之張平子薄而陋之故更造焉

我之掌庾承周以世功而為族經邦佐漢用論道而當

官

言已系出庾氏其先以掌庾得姓漢世而後官族可得而叙也左傳昭十二年曰獻太子之傅庾皮之子

過杜預注庾過劉獻公太子之傳衆仲曰官有世功則有官族是庾氏得姓之先為周學庾大夫也周書曰茲惟三公論道經邦庾氏在漢固無三公惟後漢隱逸庾乘子孫為鄆陵著姓餘則無聞平準書曰漢興七十餘年之間都鄆廩庾皆諸居官者以為姓號如淳曰倉氏庾氏是也按周禮有坐論作行食貨為經邦大政當官謂居官受職左傳云當官而行言論道而此居其職在漢世有此倉庾之姓也

### 稟嵩華之玉石

### 潤河洛之波瀾

敘潁川鄆陵之地也言庾氏在漢晉時世居於此代有名人是其偏鍾河洛之

靈特稟嵩華之秀者也鄆陵即春秋時鄆所云鄭伯克段於鄆是也郡國志鄆陵與陽城俱屬潁川郡陽城有嵩高山爾雅曰嵩高為中嶽又云河南華周禮職方氏河南曰豫州其山鎮曰華山故云稟嵩華之玉石也按郡國志潁川在河南洛陽東南五百里庾亮讓中書令表亦稱中州舊邦以潁川近洛陽洛陽為中州也云潤

河洛之波瀾者河謂黃河也爾雅河水出崑崙師古曰洛出冢嶺山入河爾雅釋水云大波曰瀾

居負

洛而重世邑臨河而宴安

言庾氏本鄢陵人再世之後分徙新野故又為南陽新野

人也云負洛者按郡國志潁川在洛陽東南五百里洛陽在北故云負洛又南陽郡在洛陽南七百里摯虞云南陽郡在京之南張衡南都賦云陪京之南謂南陽也京謂洛陽也是亦負洛然稍遠矣言在潁川鄢陵其居負洛重世之後邑居新野又臨河也臨河謂臨洧水也潧元水經注洧水又南入新野縣如此新野邑居臨洧水也水經注又云有樊氏陂東西十里南北五里亦謂之凡亭陂陂東有樊氏故宅樊氏既滅庾氏取其陂故諺曰陂汪汪下田良樊子失業庾公昌後漢書樊宏傳注章懷太子引此云在今鄧州新野縣之西南是庾氏世為南陽大姓矣又按南史庾杲之隱逸傳庾詵及子山之先祖皆稱新野人庾悅孝義傳庾道愍隱逸傳庾



承先皆稱鄢陵人其餘不可殫述是庾氏之族或居新野或仍居鄢陵者也史記春申君上書云王無重世之德索隱曰重世猶再世也宴安見左傳閔元年管敬仲之言

逮永嘉之艱虞始中原

之乏主

晉書懷帝改元永嘉永嘉之後懷愍遇害劉聰劉曜相繼作亂故云中原乏主

民枕倚

於牆壁路交橫於豺虎

後漢書獻帝還洛陽披荆棘倚牆壁間漢書張耳陳餘述曰據

國爭權還為豺虎

值五馬之南奔逢三星之東聚

晉書五行志曰晉惠帝太

安中童謡云五馬浮渡江一馬化為龍其後中原大亂宗藩多絕惟瑯琊汝南西陽南頓彭城同至江東而元帝嗣統矣天文志永嘉六年熒惑歲星太白聚牛女之間占曰牛女揚分是後兩都傾覆而元帝中興揚土彼凌江而建國始播遷於吾祖

凌江建國謂晉元帝徙都建康也吾祖謂滔也

晉書元帝紀云愍帝崩問至建康百僚勸進即位北史庾季才傳滔隨晉元帝過江官至散騎常侍宇文通序滔信八世祖也以上序西晉之亂元帝渡江八世祖滔始徙居江陵也盧譔贈劉琨書云王室喪師私門播遷

分南陽而賜田裂東嶽而胙土

謂滔封遂昌侯也左傳僖二十五年晉侯朝王

與之陽樊溫原攢茅之田晉於是始啟南陽潁雅曰泰山為東嶽按春秋祊田泰山湯沐邑也左傳衆仲曰胙

之土而命之氏誅茅宋玉之宅穿徑臨江之府

渚宮故事曰庾信因侯景亂自

建康遁歸江陵居宋玉故宅宅在城北三里故哀江南賦云後杜甫詩曾聞宋玉宅每欲到荊州李商隱詩可憐留著臨江宅異代應教庾信居是其證矣按庾氏本新野人今賦所云自滔徙居江陵即是宋玉舊宅非信始居也北史滔過江家南郡江陵縣是也屈原卜居曰寧誅鋤草茅以力耕乎漢書曰立共敖為臨江王都江

陵

# 水木交運山川崩竭

水木交運者謂宋以水德王齊以木德王也南史齊高帝紀曰

宋水德也義熙元年宋武帝王業之始至齊受命七十年孔子河洛讖曰竭河梁塞龍泉消除水災泄山川水即宋也宋氏為災害故曰水災沈約曰水德方衰阮孝緒傳曰齊為木行國語伯陽甫曰夫國必依山川山川崩竭亡家之徵也家有直道人多全節訓子見於純深事君彰於

義烈

南史庾易傳云祖玖巴郡太守父道安西叅軍易信之祖也言自遠祖滔歷世至於高曾當此宋

齊興亡之際庾家多有直道全節之人也訓子事君言其世以忠孝相傳

新野有生祠之廟

## 河南有胡書之碣

按祖滔已徙江陵稱新野河南者以始祖自鄆陵徙居新野又自新野徙

居江陵今從江陵上遡新野鄆陵歷敘庾氏世有生祠碑碣也鄆陵故鄆地在河南豫州之境故云河南也滔

雖徙居江陵史傳於其後猶曰新野人稱其本也胡  
書科斗文也任昉述異記伏滔銘曰胡書龜歷之大况

乃少微真人天山逸民

謂信祖庾易也南史曰庾易字  
幼簡新野人也徙居江陵易志

性恬靜不交外物齊臨川王表薦之餉麥百斛辭不受  
建武三年詔徵為司空主簿不就卒天官書曰廷藩西  
有隋星五曰少微士大夫索隱曰春秋合誠圖云少微  
處士位人天官占云一名處士星也易天山邈後漢書  
有逸民傳逸

階庭空谷門巷蒲輪

南史劉虬傳云永明  
三年刺史廬陵王子

民本出論語

卿表劉虬及同郡宗測宗尚之庾易劉昭五人請加蒲  
車束帛之命詔徵之是當時曾以蒲輪徵易也詩曰皎  
皎白駒在彼空谷疏云以賢者隱居必當潛處山谷也  
漢書武帝紀曰遣使者安車蒲輪束帛加璧徵魯申公

師古曰蒲裏  
輪取其安也

移談講樹就簡書筠

講樹當是引高士事  
晉書曰嵇康家有盛

柳樹恒居其下親舊以雞酒往與啖清談而已釋器云  
簡謂之畢郭璞云今簡札也說文云簡牒也蔡邕獨斷  
曰策簡也劉向別錄云殺青者直用青竹作  
簡書禮記云如竹箭之有筠也說文筠竹皮

降生世德

載誕貞臣

謂信父肩吾也肩父不受賊職潛奔江陵故  
以貞臣稱之言其秉忠貞之性也詩云世德

作求西征賦云

文詞高於甲觀楷模盛於漳濱

庾肩吾傳曰肩

貞臣見於國危

吾字慎之八歲能賦詩初為晉安王國常侍在雍州與  
劉孝威等十人抄撰衆籍豐其果饌號高齋學士王為  
王太子兼東宮通事舍人後為安西王中錄事諮議參  
軍太子率更令中庶子簡文開文德省置學士肩吾父  
子等並充其選及簡文即位以肩吾為度支尚書漢書  
曰孝成皇帝元帝太子也母曰王皇后元帝在太子宮  
生甲觀畫堂黃圖曰甲觀太子宮漢書注云甲乙丙丁  
之次也文詞高於甲觀者言為東宮通事舍人累官太

子率更令中庶子重其文詞也後漢書云天下楷模李元禮漳水名也山海經曰荆山漳水出焉王仲宣四言

詩云遷於荆楚在漳之湄說文云漳出南郡臨沮肩吾家於江陵又嘗為湘東王中錄事諮議參軍故云漳濱

際水也嗟有道而無鳳歎非時而有麟言父為度支尚書時簡文制於賊臣

梁之亂世也論語云鳳鳥不至左傳哀公十四年春西狩於大野叔孫氏之車子鉏商獲麟以為不祥以賜虞

人仲尼觀之曰麟也然後取之家語孔子涕泣曰麟為明王出出非其時見害故傷焉既姦回之

吳逆

一作匿

終不悅於仁人

言父為侯景矯詔所遣人為賊宋子仙所逼雖逃奔江陵

未幾而卒也肩吾傳曰時上流藩鎮並據州拒侯景景矯詔遣肩吾使江州喻當陽公大心大心乃降賊肩吾

因逃入東後賊宋子仙破會稽購得肩吾欲殺之先謂曰吾聞汝能作詩今日可作若能將貸汝命肩吾操筆

便成詞采甚美子仙乃釋以為建昌令仍間道奔江陵  
歷江州刺史領義陽太守封武康縣侯卒吳皮器反舊  
音備大雅蕩云內哭於中國毛傳云哭怒也不醉而怒  
曰哭西京賦云臣靈顛厥以流河曲哭與顛同字其音  
備矣姦回謂賊侯景之黨宋  
子仙也仁人謂父肩吾也

### 王子濱洛之歲蘭成射策

之年

信自序也劉向列仙傳曰王子喬周靈王太子晉  
也好吹笙作鳳鳴遊伊洛間竹書紀年云晉平公

使叔譽聘於周見太子晉與之言五稱而三窮告平公  
曰太子行年十五而譽弗能言君請事之濱洛之歲蓋  
言十五歲也沈約安陸王碑云蓋同王子濱洛之歲實  
惟辟疆侍從之年俱云十五也滕王道序云信年十五  
侍梁東宮講讀陸龜蒙小名錄云蘭成信小字也人張  
說過信宅詩云蘭成追宋玉舊宅偶詞人謂信字蘭成  
居宋玉故宅也漢書儒林傳曰武帝立五經博士問弟  
子員設科射策甲科為郎中乙科為太子舍人丙科補

大學掌故滕王通序亦云玉墀射策高等甲科始舍香  
矣言昔王子濱洛之歲乃今蘭成射策之年也

於建禮仍矯翼於崇賢

謂為尚書郎尋轉東宮學士也應劭漢官儀曰桓帝時侍中刁

存年老口臭上出雞舌與舍之後尚書郎舍雞舌香始  
於此漢書典職曰尚書郎晝夜更直於建禮門沈休文  
詩云晨趨遊建禮是也按滕王通序信解褐授安南府  
參軍尋轉尚書度支郎故云是矣東京賦曰昭仁惠於  
崇賢陸機詩云矯迹入崇賢注云崇賢太子門揚雄解  
嘲曰矯翼厲翮本傳云崇還尚書度支郎中出為郢州  
別駕尋兼通直散騎常侍聘於東魏還為東宮學士言  
初為抄撰學士在東宮至此還為東宮學士故云仍也

遊海雷之講肆

一作肆

齒明離之胄筵

言在東宮時也易曰海雷震繫辭云

主器者莫若長子故受之以震講肆左傳注音肆尚書  
曰夔命汝典樂教胄子易曰明兩作離王元長曲水詩



序云入虎闥而齒宵注言太子入學以年  
大小為次不以天子之子為上故曰齒宵  
既傾蠡而酌

海遂測管而窺天

東方朔客難曰以管窺天以  
蠡測海張宴曰蠡瓢瓢也

方塘水

白釣渚池圓

劉公幹詩云方塘含白水中有鳧與  
雁鮑明遠蕪城賦云弋林釣渚之館

侍戎

韜於武帳聽雅曲於文絃

說大曰韜劔衣也漢書汲黯  
傳曰上嘗坐武帳黯前奏事

上不冠望見黯避帷中使人可其奏其見禮敬如此孟  
康曰武帳置兵闌五兵於帳中也隋書樂志曰梁武帝  
定國並以雅為稱取詩序云言天下之事形四方之風  
謂之雅雅者正也梁三朝雅樂歌有俊雅宵雅寅雅介  
雅需雅諸曲張揖廣雅  
曰琴五絃大王增二絃  
乃解懸而通籍遂崇文而會武

漢書陳湯傳劉向疏曰宜以時解懸通籍除過勿治尊  
寵爵位以勸有功魏志明帝青龍四年夏四月置崇文

觀徵善文者以充之滕王道序云又為東宮領直春宮兵馬並受節度蓋任兼文武也

居笠轂而

掌兵出蘭池而典午

左氏傳云楚子與若敖氏戰於臯澨伯欒射王太韞以貫笠轂杜曰

兵車無蓋尊則邊人執笠依轂而立以御寒暑名曰笠轂蘭池宮名在渭城漢書武帝責楊僕曰受詔不至蘭池宮蜀志譙周曰典午忽兮

論兵於江漢之君拭玉於

西河之主

江漢謂元帝之為湘東王時也湘東楚地故云江漢西河之主謂東魏也東魏都鄴西河

魏地滕王道序云於時江路有賊梁先主使信與湘東王論中流水戰事醜徒聞其名德遂即散奔深為梁主所稱是論兵於江漢之君也又云兼通直常侍使於魏王接對有才辯還本國為正員郎本傳聘於東魏文章辭令甚為鄴下所稱是拭玉於西河之主也左氏傳曰江漢睢漳楚之望也杜預云四水在楚界正義曰土地

名江經南郡江夏弋陽安豐漢經襄陽至江夏安陸縣  
入江儀禮曰賓人北面坐拭圭鄭康成注曰賓使者拭  
清之也史記魏文侯以吳起為西河守武侯浮西河而  
下中流顧謂吳起曰美哉山河之固此魏國之寶也知  
西河為魏地矣以上歷敘  
已之在梁時有聲名也

於時朝野歡娛池臺鐘鼓

於時

言梁之承平時也張協詠史詩云昔在西京時  
朝野多歡娛左氏傳曰高臺深池撞鐘舞女

里為冠

蓋門成鄒魯

水經注曰宜城縣有太山山下有廟漢末  
多士其中刺史二千石卿長數十人朱軒

華蓋同會於廟下荊州刺史行部見之雅嘆其盛號曰  
冠蓋里漢書韋孟傳云自孟至賢五世賢以詩教授號  
稱鄒魯大儒里為冠蓋言其多富  
貴也門成鄒魯言其多文學也

連茂苑於海陵跨橫

塘於江浦

漢書枚乘上書曰轉粟西向不如海陵之倉  
修治上林苑守禽獸不如長洲之苑吳都賦

云佩長洲之茂苑是也晉灼曰海陵海中山為倉也臣  
瓚曰海陵縣名也有吳大倉連茂苑於海陵者以喻天  
監中立建興苑於秣陵之建興里也又魏都賦云橫塘  
查下劉逵曰橫塘在淮水南緣江築堤謂之橫塘查下  
在橫塘西隔江自山頭南上十里至查浦跨橫塘於江  
浦者以喻天監九年緣淮塘之作也事見梁武帝本紀

# 東門則鞭石成橋南極則鑄銅為柱

史記秦始皇本紀曰立石東海上胸

界中以為秦東門述異記曰秦始皇作石橫橋於海上  
欲過海觀日出處有神人驅石去不速神人鞭之皆流  
血今石橋其色猶赤東門言梁地東至於海也廣州記  
曰馬援到交趾立銅柱為漢之極界也南史中大同元  
年交州刺史楊暕剋交趾嘉寧城李賁竄入屈獠洞交  
州平是梁地南極交趾也隋書地理志曰梁武帝除暴  
寧亂奄有舊吳天監十三年有州三十郡三百五十縣  
千二十二其後務恢境宇頓事經略開拓閩越克復淮

浦平俚洞破牂柯又以舊州遐濶多有析置大同中州  
一百七郡縣亦稱於此既而侯景搆禍臺城淪陷典籍  
散逸注記無遺郡縣戶口不能詳究逮於陳氏土宇彌蹙橘則園植萬株竹則家封

千戶

言蜀漢江陵諸州郡皆為梁地國之生產富饒也漢書貨殖傳曰蜀漢江陵千樹橘渭川千畝竹此

其人與千戶侯等

西費浮玉南琛沒羽

言外國朝貢之多也按南史武帝天監二年扶

南龜茲中天竺國各遣使朝貢三年遣使朝貢有北天竺國五年有鄧至國九年有于闐林邑等國十年有宕昌國又婆利國獻金帛十一年有高麗國又百濟等國十三年林邑等國朝貢作浮山堰十四年有蠕蠕狼牙國十五年有河南國十七年有千陀利國普通元年有滑國二年有新羅國三年有白題國大通元年有師子等國中大通元年有盤盤國三年有丹丹國五年有波斯等國中大同元年渴盤陀國遣使獻方物以上皆遣

使朝貢諸國或有再至及每歲來朝者今惟紀其國名故不多載說文賁會禮也琛寶也顏延年燕曲水詩云

航琛越水輦賁踰嶂王子年拾遺記曰西海之西有浮玉山竹書紀年曰堯時焦僂氏貢沒羽南史四尺傳曰

自晉氏南度介居江左北荒西裔隔礙莫通至於南徼東邊界壤所接洎宋元嘉撫運爰命干戈象浦之絕威

震冥海於是鞮譯相係無絕歲時以洎齊梁職貢有序及侯景之亂邊鄙日蹙陳氏基命哀微已甚故西賁南

琛無聞行素此敘梁朝全盛吳歛越吟荆艷楚舞吳越之時所以遠方貢賦不絕也

皆梁地言其太平作此歌舞也吳都賦云荆艷楚舞吳歛越吟楚辭曰吳歛蔡謳登樓賦曰莊舄顯而越吟顏

延年侍遊曲阿後湖詩云江南進草木之遇陽春魚一作荆艷曹植妾薄命行曰齊謳楚舞

蛟

龍之逢風

雲一作

雨

言其人民之歡悅也漢書文帝詔曰方春和時草木羣生之物皆有

以自樂古詩云陽春布德澤于寶晉紀總論曰悅而歸之如魚龍之趣淵澤也樂動聲儀曰風雨動魚龍仁義動君子一作蛟龍淮南子曰蛟龍伏於川  
人不見其飛舉而能高者風雨舉之也  
五十年中江

表無事

南史羊侃傳曰是時梁興四十七年境內無事公卿在位及閭里士大夫莫見兵甲云五十年

者舉其成數也

王欽為和親之侯班超為定遠之使

此下言南北通好不

事甲兵及納東魏將侯景始台亂也按南史中大通六年魏始分為兩大同二年與東魏通和三年東魏人來聘使張皋聘於東魏自後每歲遣使報聘焉至太清元年東魏司徒侯景內屬東魏攻景始遣蕭明北征及與東魏結和而侯景舉兵反矣王欽和親班超定遠言與東魏通好之時也漢書曰長水校尉王欽使匈奴告單于又曰湏卜當即王昭君女伊墨居次云之壻也云常與中國和親當遂勸咸和親天鳳元年當遣人告塞吏

曰欲見和親侯和親侯王歙者王昭君兄子也中部都尉以聞莽遣歙後漢書曰班超字仲升扶風平陵人超

使西域通三十

馬武無預於甲兵馮唐不論於將帥

按

六國封定遠侯

帝天監後每舉兵侵魏及魏分東西東魏通和而西魏

邊警無聞是以莫見兵革也後漢書曰光武時馬武上

言欲擊匈奴帝不許自是諸將莫敢言兵事漢書匈奴

傳贊曰文帝中年聚天下精兵於廣武顧問馮唐與論

將帥宣知山嶽閭然江湖潛沸漁陽有閭左戌卒離石有

將兵都尉

謂梁朝狙於治安禍機潛伏遂有侯景之亂漁陽戌卒者按梁書侯景起家為北鎮戌兵

也離石都尉者時高歡使擁兵十萬專制河南也注見

下文陸機豪士賦序曰一匱之釁積成山嶽詩云百川

沸騰漢書師古注曰沸湧出也漢書陳勝傳曰秦二世

元年秋七月發閭左戌漁陽九百人勝廣皆為屯長殺



兩尉詐稱公子扶蘇項燕從民望也祖右稱大楚自立  
為將軍廣為都尉于寶晉紀總論曰彼劉淵者離石之  
將兵都尉也

### 天子方刪詩書定禮樂設重雲之講開士林之

學

天子謂梁武帝也南史所謂留心俎豆忘情于戚弱  
於釋教弛於刑典履霜弗戒卒至亂亡者也此下皆

言梁武帝致敗之故梁武帝紀帝著毛詩問答尚書大  
義樂社義等書又天監初何佟之等并撰五禮千餘卷  
帝稱制斷疑太清元年帝捨身光嚴重雲殿游仙化生  
皆震動三日乃止又云武帝於重雲殿講說名僧碩學  
四部聽衆常萬餘人城西又開士林館以延學士朱异  
與左丞賀琛廼日講武帝禮記中庸義虞荔傳云武帝  
於城西置士林館荔乃制碑奏上帝

### 談劫燼之灰飛辨

常星之夜落

言其溺情釋教也干寶搜神記曰漢武帝  
鑿昆明池極深悉是灰墨無復土舉朝不

解以問東方朔朔曰臣愚不足以知之試問西域人帝以朔不知難以移問至後漢明帝時西域道人入來洛陽時有憶方朔言者乃試以武帝時灰墨問之道人云經云天地大劫將盡則劫燒此劫燒之餘也乃知朔言有旨春秋莊公七年夏四月辛卯夜恒星不見左氏傳曰夏恒星不見夜明也杜預曰恒常也謂常見之星漢書劉向上封事諫曰夜常星不見即指是事也本恒星避漢文帝諱故稱常星矣瑞應經曰到四月八日夜明星出佛生右脇墮地即行七步魯莊公七年夜明佛生之日也南史武帝太清元年三月乙巳帝升光嚴講堂師子講金字三慧經捨身夏四月庚寅羣臣以錢一億萬奉贖皇帝菩薩僧衆默許又侯景傳曰景以太清元年二月遣其行臺中丁和上表求降初帝以是歲正月乙卯於善言殿讀佛經因謂左右黃慧弼曰我昨夢天下太平爾其識之及至校景實以正月乙卯日定計帝由是納之景之得入亦以佛教也

地平魚

齒城危獸角

言不能完城廓以為保守之計也左傳襄十八年楚師伐鄭次於魚陵子庚門於城

下而還涉於魚齒之下杜預注云魚陵魚齒山也在南陽犍縣北呂氏春秋曰猛獸之角能以為城

臥刀

斗於滎陽絆龍媒於平樂

言其忘情干戚也漢書曰李廣行無部曲不擊刁斗以自

衛孟康曰以銅作焦受一升晝炊飯食夜擊持行今在滎陽庫中也龍媒馬也馬八尺以上為龍漢書天馬歌曰龍之媒天馬徠三輔黃圖曰漢明帝永平五年至長安悉取飛廉并銅馬置之西門外為平樂館

牽衡

以干戈為兒戲縉紳以清談為廟畧

謂朱异也南史自周捨卒後异代掌機密

其軍旅謀謨方鎮改換朝議國典詔誥勅書並典掌之大同八年加侍中异文華敏洽曲營世譽在內省十餘年未嘗被譴司農卿傅岐嘗謂异曰今聖上委政於君安得每事從旨頃者外聞殊有異論异曰政言我不能

諫爭耳當今天子聖明吾豈敢以其所聞干忤天聽及  
侯景降謝舉等以為不可許昇探帝微旨答曰侯景分  
魏國大半遠歸聖朝若不容受恐絕後來之望帝深納  
昇言又感前夢遂納之景謀反鄴陽王範及羊鴛仁啟  
景有異志朱昇曰侯景數百叛虜何能為役並不奏聞  
及景反鎮戍相次啟聞昇尚曰景必無度江志賊至遂  
以討昇及陸駿為名帝將誅之簡文曰賊特以昇等為  
名耳今日殺昇無益適足貽笑乃止簡文慙亂四言詩  
曰慙彼陂田嗟斯氛霧謀之不臧害我王度又製圍城  
賊未章云彼高冠及厚履並鼎食而乘肥升紫霄之丹  
地排玉殿之金扉陳謨謀之啟沃宣政刑之福威四郊  
以之多壘萬邦以之未綏問豺狼其何者訪虺蜴之為  
誰並以指昇又帝登南望賊顧謂昇曰四郊多壘誰之  
罪與昇流汗不能對慙憤發病卒又侯景傳云景反以  
誅中領軍朱昇少府卿徐麟太子左率陸駿制局監周  
石珍為辭以為姦臣亂政漢書曰王皇后立三月以禮

見高廟尊父安漢公號曰宰衡位在諸侯王上周亞夫傳漢大帝曰向者棘門霸上如兒戲耳禮記鄭注云紳

帶也搢插也插笏於紳也或作縉者淺赤言帶之色晉輿服志古者貴賤皆執笏有事則搢之於腰帶所謂搢

紳之士者搢笏而垂紳也晉書曰王衍終日清談石勒王彌寇京師衍為元帥舉軍為石勒所破勒曰破懷天

下正是君罪使人夜排牆填殺之衍將死顧而言曰嗚呼吾曹雖不如古人向若不祖尚浮虛戮力以匡天下

猶不至今日淮南子曰運籌於廟堂之上決勝千里之外清談為廟略者譏其無濟於政事也

作水以周書膠船馭奔駒以朽索帝王世紀曰周昭王德哀南征濟於漢船

人惡之以膠船進王王御船至中流膠液船解王及祭公俱沒於水左傳昭王之不復君其問諸水濱是其事

也夏書曰予臨兆民若朽索之馭六馬孔疏云小人則腐索馭六馬索絕馬驚馬驚則逸言危懼甚也

將及水火君子則方成猿鶴

孟子曰救民於水火之中言侯景將至殘賊小民若

殷民之在水火中也抱撲子曰周穆王南征一軍盡化君子為猿鶴小人為沙蟲

敝箠不能救

鹽池之鹹阿膠不能止黃河之濁

淮南畢萬衍曰膠撓水則清敝箠止鹹取

箕以納醬中鹹著箕矣孔融曰敝箠不能救鹽池之濁說文曰箠蔽也所以甑底也淮南子曰阿膠一寸不能止黃河之濁既而魴魚頰尾四郊多壘

汝墳之詩云魴魚頰尾王室如燬毛萇曰

頰赤也魚勞則尾赤禮記曰四郊多壘卿大夫之辱也注云壘軍壁也數見侵伐則多壘

殿狎江鷗

宮鳴野雉

言亡國之徵妖異迭見也說文曰鷗水鵞也漢書劉向曰秦始皇之末世至二世野禽戲

庭張晏曰野鳥入處主人將去又五行志曰野鳥入處宮室將空易京房傳曰辟退有德厥咎狂厥妖水鳥集

於國中鴻嘉二年三月博士行大射禮有飛雉集於庭  
歷階登堂而雉又集未央宮承明殿屋上宋書五行志  
曰晉武帝太始四年  
雉飛上閭闔門  
湛盧去國餘艚失水  
湛盧劍名餘  
艚左傳作餘

皇舟名越絕書曰昔越王句踐有寶劍五聞於天下客  
有能相劍者名薛燭王召而問之對曰歐冶子因天地  
之精悉其伎巧一曰純鈎二曰湛盧三曰莫邪四曰蒙  
曹五曰巨闕楚昭王臥而得吳湛盧之劍於牀間於風  
胡子對曰人君有逆理之謀其劍即出今吳王無道殺  
君謀楚故湛盧去國左傳昭十七年楚人大敗吳師獲  
其乘舟  
見被髮於伊川知百年而為戎矣  
左傳僖二十  
三年曰初平

王之東遷也辛有適伊川見被髮而祭於野者曰不及  
百年此其戎乎其禮先亡矣秋秦晉遷陸渾之戎於伊  
川言侯景  
彼姦逆之熾盛久遊覓而放命  
姦逆謂侯景  
也南史侯景

傳云侯景字萬景魏之懷朔鎮人也少而不羈為鎮功  
曹史魏末北方大亂乃事邊將爾朱榮甚見器重以軍  
功為定州刺史始魏相高歡微時與景甚相交愛及歡  
誅爾朱氏景以衆降仍為歡用稍至吏部尚書非其好  
也每獨曰何當離此反故紙即尋封濮陽郡公歡之敗  
於沙苑也景謂歡曰宇文泰恃於戰勝今必致急請以  
數千勁騎致關中取之歡不許後為河南大行臺位司  
徒又言於歡曰恨不得泰請兵三萬橫行天下要取濟  
江縛取蕭衍老公以作太平寺主歡壯其言使擁兵十  
萬專制河南若己之半體賦言景之姦逆少而不羈及  
事榮降歡復思反叛始欲以千騎抵關潛圖事泰後欲  
以三萬定梁來歸於我久矣遊寬而放命也易繫辭曰  
遊寬為變後漢書曰第五倫擢謝夷吾為督郵時烏程  
長有臧爰倫使收案其罪夷吾曰竊以占候知長當死  
近三十日遠六十日遊寬假息非  
刑所加故不收之月餘果暴卒

大則有鯨有鯢小則



為梟為獍

左傳楚子曰古者明王伐不敬取其鯨鯢而封之以為大戮杜預曰鯨鯢以喻不義之人

吞食小國裴淵廣州記曰鯨鯢長百尺雄曰鯨雌曰鯢目即明月珠也周處風土記曰鯨鯢海中大魚也俗說出穴即為潮水梟惡鳥即一梟獍惡獸即破鏡郊祀志曰祠黃帝用一梟破鏡張宴曰梟惡逆之鳥方士虛誕云以歲始祓除凶災令神仙之帝食惡逆之物使天下為逆者破滅訖竟無有遺育也孟康曰梟鳥名食母破鏡獸名食父黃帝欲絕其類使百吏祠皆用之破鏡如龜而虎眼如淳曰漢使東都送梟五月五日作梟羹以賜百官其以惡鳥故食之也送異記曰獍之為獸狀如虎豹而小始生還食其母故曰梟獍侯景傳云景既南奔魏相高澄悉命剥景妻子面皮以大鐵鑊盛油煎殺之女以入宮為婢男三歲者並蠶室後齊大宣夢獨猴登御牀乃並煮景子於鑊其子之在北者殲焉言景之凶逆大則蠶食諸國有若鯨鯢小則如梟獍使已種

類破滅無遺育也

負其牛羊之力凶其水草之性

漢書匈奴傳曰其畜之所

多則馬牛羊逐水草遷徙無城郭常居耕田之業

非玉燭之能調豈璿璣之可

正

爾雅曰四時調謂之玉燭尚書曰璿璣玉衡以齊七政

值天下之無為尚有欲

於羈縻

武帝紀云太清元年侯景以十三州內屬漢書曰匈奴欲致和親漢亦羈縻之司馬相如難蜀

父老曰蓋聞天子之牧夷狄也其義羈縻勿絕而已應劭漢官儀曰馬曰羈牛曰縻言四夷如牛馬之受羈縻也後漢書魯恭曰是以聖王之制羈縻勿絕而已注云字書曰羈馬絡頭也蒼頡篇曰縻牛經也

飲其

琉璃之酒賞其虎豹之皮

謂侯景內附梁朝遂納降也侯景傳云景用王偉計以太

清元年二月遣其行臺郎中丁和上表求降帝召羣臣議之尚書僕射謝舉皆言納景非便武帝不從遂納之

封景河南王大將軍使持節督河南北諸軍事大行臺承制如鄧禹故事漢書匈奴傳曰單于以徑路刀金留

犁撓酒以老上單于所破月氏王頭為飲器者共飲血

盟昌猛還應劭曰徑路匈奴寶刀也金契金也留犁飯

匕也撓和也契金著酒中撓攪飲之也左氏傳曰無終

子嘉父使孟樂如晉因魏莊子納虎豹之皮以和諸戎

見胡柯

一作

於大夏識烏卵於條枝

漢書曰張騫言使大夏時見蜀布印

竹杖問所從來曰從東來身毒國可數千里得蜀賈人

市又西域傳曰條支國臨西海暑濕田稻有大鳥卵如

甕郭義恭廣志云大爵頸及身膺蹄都似索駝舉頭高

八九尺張翹文餘食大麥其卵如甕一作胡桐按西域

志出鄯

豺牙必厲虺毒潛吹

謂侯景潛圖反叛也侯景傳云景長不滿七尺長上

短下眉目疎秀廣額高擢色赤少鬚眠低屢顧聲散識

者曰此謂豺狼之聲故能食人亦當為人所食爾雅曰

豺狗足字林云豺狼屬狗聲郭云脚似狗貪殘之獸孔叢子曰梁丘據遇虺毒三旬而後瘳後漢段熲東羌疏云今傍郡戶口單少數為羌所創毒而欲今降徒與之雖居是猶種枳棘於良田養虺蛇於室內也漢書注應劭曰蝮一名虺螫人手足則割其肉不然致死師古曰虺若土色所在有之俗呼土虺

輕九鼎而

欲問聞三川而遂窺

南史侯景傳云景自渦陽敗後多所徵求朝廷含弘未嘗拒絕後表

疏跋扈言辭不遜元貞知景異志累啟還朝景謂曰將定江南何不少忍貞益懼奔還建鄴具以事聞景入招司州刺史羊鵠仁同逆鵠仁錄送其使時鄴陽王範鎮合肥及鵠仁俱累啟稱景有異志朱异並不奏聞景所以姦謀蓋果時帝與魏通和景上言曰高澄狡滑寧可全信陛下納其詭語求與連和臣亦竊笑也臣年四十有六未聞江左有佞邪之臣一旦入朝乃致顛隳寧堪鞴骨投命讎門請乞江西一境受臣控督如其不許即

領甲臨江上向閩越非惟朝廷自耻亦是三公肝食帝使朱昇宣語答景使曰譬如貧家畜十客五客尚能得意朕惟有一客致有怨言是亦朕之失也景遂反遣徐思玉入啟乞帶甲入朝除右側之惡帝遣中書舍人賀季等隨思玉往勞之於板橋景北面受勅季曰今日之舉何以為名景曰欲為帝也左傳武王遷九鼎於洛邑楚子伐陸渾之戎觀兵於周疆問鼎之大小焉秦本紀秦武王謂甘茂曰寡人欲容車通三川以窺周室死不恨矣始則王子召戎姦臣介冑既官政而離邊遂師言而

泄漏

王子謂臨川王宏之子蕭正德也南史正德字公和少而凶慝招聚亡命齊建武中武帝崩嗣未立

養以為子及平建康生昭明太子正德自謂應居儲嫡每形於言數有罪蒙赦大通中封臨賀郡王累試無能從是黜廢轉增憤恨乃陰養死士常思圖讐太清二年秋侯景反知其有姦心遣徐玉至建鄴具以事告又與

正德書曰今天子年尊姦臣亂國以景觀之計日必敗  
大王屬當儲貳中被廢辱天下義士竊所忿慨大王豈  
得顧此私情棄茲億兆景雖不武實思自奮正德得書  
大喜曰侯景之急暗與人同天贊我也遂許之及景至  
正德潛運空航詐稱迎荻以濟景焉朝廷未知其謀以  
正德為平北將軍也朱雀航景至正德乃北面望闕三  
拜詭辭軟歡流涕引賊入宣陽門與景通揖馬上退據  
左衛府賊以正德為天子號曰正平元年及臺城開正  
德率衆揮刃欲入賊先使其徒守門故正德不果乃復  
太清之號降正德為侍中大司馬正德入問訊拜且泣  
帝曰憫其泣矣何嗟及矣正德知為賊所賣深自咎悔  
密書與鄱陽嗣王契以兵入賊遮得書乃矯詔殺之梁  
室傾覆皆由正德百姓至閭臨賀郡名亦不欲道童謡  
云寧逢五虎入市不欲見臨賀父子其惡之如是王子  
召戎者謂侯景之人正德召之也姦臣介冑者謂朝廷  
不知其謀使正德為平北將軍也陸士龍大將軍讌會

詩曰在昔姦臣稱亂紫微李善注云姦臣謂趙王倫也  
正德篡逆比於倫矣杜預左傳注曰介甲也胄兜鍪也  
既官政而離邊者按左傳戎子駒支曰我諸戎相繼於  
時以從執政猶殽志也豈敢離邊言侯景始立正德為  
天子後復降為侍中是離邊也遂師言而泄漏者按左  
傳齊寺人貂始漏師於多魚言正德密書與鄆陽王契  
以兵入為賊所遮得

望廷尉之逋囚反淮南之窮寇

漢書

百官志曰廷尉秦官應劭曰聽獄必質諸朝廷與衆共  
之兵獄同志故稱廷尉言侯景得罪東魏來奔於我是  
廷尉逋逃之囚又敗於渦陽故稱窮寇侯景傳景內附  
高澄嗣事為渤海王遣其將慕容紹宗圍景於長社景  
急乃求割魯陽長社東荆北兗請救於西魏西魏收之  
紹宗乃退景復請兵於司州刺史羊鴝仁鴝仁乃發兵  
據懸弧景將蔡道遵北歸言景有悔過志高澄以為信  
然乃以書喻景若還許以豫州刺史終其身所部文武

更不追攝閹門無恙并還寵妻愛子景報書不從澄知  
景無歸志乃遣軍相繼王隱晉書曰蘇峻討王敦有功  
封公遷歷隱太守詔書徵峻峻曰臺下云我反反豈得  
活耶我能山頭望廷尉不能廷尉望山頭乃作亂魏志  
曰諸葛誕據淮南反言昔日廷尉通因淮南窮寇至此轉盛也

**出**

周書作飛

**狄泉之蒼鳥起**

**橫江之困獸**

王隱晉書曰董養字仲道太始初到洛下干祿求榮永嘉中洛城東北角步廣里中

地陷中有二鵝蒼蒼者飛去白者不能飛問之博識者不能知養聞嘆曰昔周時所盟會狄泉此地也卒有二鵝蒼者育象後明當入洛白者不能飛此國諱也出狄泉之蒼鳥者以劉淵猷侯景也左傳曰困獸猶鬪起橫江之困獸者言景

**地則石鼓鳴山天則金精動宿**

郭璞山海經注

有渦陽之敗也  
曰今鄴西北有鼓山山下有石鼓象縣著山旁鳴則有軍事水經注曰魏正元二年吳王孫亮分長沙東部立



縣有石鼓高六尺湘水所逕鼓鳴則主有兵革之事晉書五行志曰吳興長城夏祭山有石鼓鳴則三吳有兵至安帝隆安中大鳴後有孫恩之亂郡國志曰吳王離宮在石鼓山越王獻西施於此石鼓鳴即兵起按晉通二年始平郡中石鼓村地自開是其驗矣漢書天文志曰太白曰西方秋金義也太白經天天下革民更王是為亂紀人民流亡太白兵象也石氏星經曰昴者西方白虎之宿太白者金之精太白入昴金虎相薄主有兵亂武帝紀云太清元年六月天裂於西北長十丈濶二丈光出如電其聲若雷十二月天西北裂有光如火三年正月有流星長三十丈墜武庫或云金精月也太清二年正月癸巳朔兩月相承如鉤見於西方是其事也

# 北闕龍吟東陵麟闕

春秋元命苞曰孤星高則羣龍吟博物志曰麒麟闕而日月蝕南史

云普通五年夏六月乙酉龍闕於曲阿王陔因西行至建陵城所經樹木倒折開數十丈又中大同元年正月

曲河縣建陵口石辟邪起舞有大蛇  
關隧中其一被傷是其災異迭見也  
爾乃桀黠橫扇馮

# 陵畿甸

謂臺城既陷侯景入城縱兵殺掠也侯景傳云  
景攻東府城設百尺樓車鉤城堞盡落城陷景

使其儀同盧暉略率數千人持長刀夾城門悉驅城內  
文武保身而出賊交兵殺之死者三千餘人縱兵殺掠  
夾尸塞路富家豪室恣意剝子女妻妾盡入軍營入  
募北人先為奴者並令自投賞以不次朱异家黠奴與  
其儕踰城投賊景以為儀同使至闕下以誘城內乘馬  
披錦袍詔曰朱异五十年仕宦方得中領軍我始事侯  
王已為儀同於是奴僮競出盡皆得志鹽鐵論曰匈奴  
桀黠擅恣入塞諡法云賊人多殺曰桀漢書曰匈奴桀  
黠羣盜犯法南中志云夷中有桀黠能言議屈服人按  
貨殖傳刁閑收取桀黠奴今人稱豪奴矣左氏傳云馮  
陵我城廓說大曰畿天子擁狼望於黃圖填廬山於赤  
千里地甸天子五百里地

縣

漢書揚雄曰前代宣樂傾無量之資快心於狼望之北填廬山之壑而不悔也孟康曰廬山單于南庭山

師古曰狼望匈奴中地名後漢西域傳曰黔首隕於狼望之北財幣靡於廬山之壑三輔黃圖曰採秦漢以來宮殿門闕樓觀池苑在闕輔者著於篇茲云黃圖謂畿輔也史記鄒衍傳云中國名赤縣神州青袍如

草白馬如練

侯景傳云大同中童謠曰青絲白馬壽陽來景渦陽之敗求錦朝廷所給青布及是

皆用為袍采色尚青常乘白馬青絲為轡欲以應謠景之圖臺城援軍三十萬兵士望青袍則氣消膽奪及篡立後時著白紗帽而尚被青袍又云景既尅建鄴修飾臺城及朱雀宣陽等門童謠曰脫青袍著芒屨荆州天子挺應著古詩云青袍似春草家語云顏淵與孔子俱上泰山東南望吳昌門外孔子見白馬引顏淵指之若見吳昌門乎顏淵曰見之有繫練之狀天子履端廢朝單于長圍高宴

侯景

傳云景屯西州使偽陳慶以甲防太極殿悉因掠乘輿服玩後宮嬪妾收王侯甲士送永福省撤二宮侍衛使王偉守武德殿于子悅屯太極東堂矯詔大赦自為大都督都督中外諸軍事錄尚書事其侍中使持節大丞相王如故後每徵求多不稱旨至於御膳亦被裁抑又云景築長園以絕內外又於東宮置酒奏樂以為樂左氏傳曰履端于始史記正月為端漢書匈奴傳曰單于姓孛鞮氏其國稱之曰撐犁孤塗單于匈奴謂天為撐犁謂子為孤塗單于廣大之號言其象天單于然南史齊東昏侯紀云帝出時人以其所園處號為長園及建康城見園亦名長園識者以為識焉天子指梁武帝也謂武帝身被困逼正月不視朝也單于指侯景也謂侯景築長園置酒宴樂也侯景**兩觀當戟千門受箭**謂侯景位百日天子故稱單于矣**道攻城晝夜不息及人使王偉陳慶等以甲防守太極武德諸殿也左氏傳曰雉門及兩觀災三輔黃圖曰**

闕觀也周置兩觀以表宮門其上可居登之可以遠觀人臣將朝至此則思其所闕漢書曰建章宮度為千門

萬戶白虹貫日蒼鷹擊殿

博物志曰列傳云肅政刺韓相白虹為之貫曰專諸刺吳王僚

鷹擊殿上又戰國策曰聶政之刺韓傀也白虹貫日要離之刺慶忌也蒼鷹擊於殿上南史太清元年二月己

卯白虹貫日三年正月庚申白虹貫日三重是其驗矣

竟遭夏臺之禍終視堯城

之變

謂武帝被幽也史記曰夏桀召湯而囚之夏臺桀曰吾悔不殺湯於夏臺括地志曰竹書云昔堯德

衰為舜所囚故濮州甄城縣東北十五里有堯城水經注曰小城陽在城陽西半里許俗諺以為囚堯城官

守無奔問之人干戚非平戎之戰

侯景傳云時荊州刺史湘東王繹師於武

城河東王譽次巴陵前信州刺史桂陽王憺頓江津並未之進既而有勅班師湘東王欲旋中記室參軍蕭賁

曰景以人臣舉兵向闕今若放兵未及度江童子能斬之必不為也大王以十萬之師未見賊而退若何湘東王不悅賁骨鯁士也每恨湘東不入援嘗與王雙六食子未下賁曰殿下都無下意王深為憾遂因爭害之景知援兵號令不一終無勤王之效左傳臧丈仲曰天子蒙塵於外敢不奔問官守釋言干扞也孫炎曰干扞自蔽扞也干楯名明堂位云朱干玉戚以舞大武威斧也戎謂侯景也言不能平之二語謂援兵之不力也

陶

侃空爭

一作裴

米船顧榮虛搖羽扇

陶侃喻王琳也顧榮喻羊鴉仁也南史王

琳傳云太清二年元帝遣琳獻米萬石未至都城陷乃中江沉米輕舸還荆又羊鴉仁傳云太清三年景既背盟鴉仁乃與趙伯超及南康王會理共攻賊於東府門一日為賊敗臺城陷景以為五兵尚書鴉仁常思奮發謂所親曰吾以凡流受寵朝廷竟無報効以答重恩今若以此終沒有餘賁因泣下見者傷焉晉書陶侃傳云

陳敏遣陳恢寇武昌侃禦之以運船為戰艦云人溫嶠傳云蘓峻之亂是時義軍屢戰失利嶠軍食盡陶侃怒曰使君前云不憂無將士惟得老僕為主耳今數戰皆北良將安在荊州接胡蜀倉庫當備不虞若復無食僕便欲西歸更思良策但今歲計殄賊不為晚也嶠曰不然自古成監師克在和光武之濟昆陽曹公之拔官渡以寡敵衆伏義故也峻約小豎為海內所患勇而無謀藉驕勝之勢今挑之戰一鼓可擒且天子幽逼社稷危殆嶠等與公並受國恩是致命之日若違衆獨反義旗將迴指於公矣侃無以對遂留不去侃督水軍向石頭率精勇一萬以挑戰峻突陣馬蹶為侃將所斬時京邑荒殘資用不給嶠借資蓄具器用而後旋於武昌晉書陳敏傳云敏反自將討甘卓顧榮以白羽扇揮之衆皆潰言溫嶠借資陶侃卒平蘇峻今王琳運米而都城已陷是空爭米船也顧榮揮扇而却陳敏今猶仁竟為賊敗臨死恨報効不終是虛搖羽扇也

將軍死

# 綏路絕長圍

司馬法曰將軍死綏注曰綏却也有前一尺無却一寸左傳注曰古名敗軍為綏南

史侯景傳云賊築長圍以絕內外以下云侯景攻城中外隔絕援兵不至為賊所敗也

## 烽隨星落

# 書逐鷲飛

侯景傳云太清三年三月朔城內以景違盟舉烽鼓噪人曰賊圍臺城中外隔絕有羊車

兒獻計作紙鷲繫以長繩藏於中簡文出太極殿前因北風而放冀得書達羣賊駭之謂是厭勝之術人射下之其危急如此又按獨異志云侯景圖臺城遠不通問簡文作紙鷲飛空告急於外侯景謀臣王偉謂景曰此紙鷲所至即以事達外令左右善射者射之乃墮皆化為鳥飛入雲中不知所往漢書相如曰夫邊郡之士聞烽舉燧燔孟康曰烽如覆米箕縣著契臯頭有寇則舉之燧積薪有寇則燔也又師古曰晝則舉燧夜則舉烽故云隨星落也墨子作木鷲飛三日不集淮南子曰公輸班為木鷲而飛之論衡曰魯班刻木為飛鷲飛三



日不

遂乃韓分趙裂鼓臥旗折

南史侯景至援兵百萬皆走邵陵王綸敗績奔

京口城執西豐公大春是其韓分趙裂鼓臥旗折之事也史記張儀說韓王曰夫塞城羣絕上黨則王之國分

矣戰國策司空馬曰大王裂趙之半以賂秦後漢書隗囂傳曰橐弓臥鼓晉書曰陸機臨戎而牙旗折左以下

皆言援師之敗侯

失羣班馬迷輪亂轍

左傳襄十八年平陰之役齊侯

景攻城之急也

畏其衆也乃脫歸齊師夜遁邢伯告中行伯曰有班馬之聲齊師其遁杜注云夜遁馬不相見故鳴班別也又

長勺之戰曹劌曰吾視其

猛士嬰城謀臣卷舌

大風歌曰安得

轍亂望其旗靡故逐之  
猛士分守四方李陵答蘇武書曰謀臣如雲漢書蒯通曰必將嬰城固守揚雄劇秦美新曰卷其舌而不談

昆陽之戰象走林常山之陣蛇奔穴

南史云景造諸攻具飛樓撞車登城

車鉤堞車階道車火車並高數丈車至二十輪陳於門前百道攻城交稍以戰鼓叫沸騰昏夜不息引玄武湖水灌臺城闕前御街並為洪波又燒南岸居人營寺莫不咸盡後漢光武紀曰王尋王邑圍昆陽驅虎豹犀象之屬以助威光武率敢死者乘銳奔之城中也鼓噪而出震呼動天地虎豹皆股慄神異經曰西方中有蛇頭尾差大有色五采人物觸之者中頭則尾至中尾則頭至中腰則頭尾並至名曰率然茂先注云魯稽常山最多此蛇孫子兵法三軍勢如率然者是也又博物志曰常山之蛇名率然有兩頭觸其一頭一頭至觸其中則兩頭俱至孫武以喻善用兵者晉書曰初諸葛亮造八陣圖於魚復平沙上累石為八行相去二丈桓溫見之曰此常山五郡則兄弟相悲三州則父子離別

言侯景攻城甚

急武帝諸子援兵在外父子兄弟不相接救也五郡疑指湘東邵陵武陵廬陵南康此五郡也三州疑指荊州

益州郢州此三州也按本文序臺城內外兵馬相接之際此二語當序諸王至護軍以下始序諸將蓋梁朝宗室父子兄弟也人按武帝八子除昭明太子死簡文帝位居儲貳及豫章王綽奔亡削爵尚有湘東王繹邵陵王綽武陵王紀其廬陵王續南康王績早卒不及危季有子嗣爵是武帝子兄弟封王者有此五郡也三州如湘東王為荊州武陵王為益州邵陵王時在郢州績續早亡惟此三人於武帝為父子也武帝蒙塵三子在外援兵最盛不能接救是父子離別也又按臺城之陷湘東王師於武城援兵不進邵陵王與侯景戰敗還京口武陵王聞武帝崩總戎將發益鎮繹使胡智監至蜀書止之故云三州父子別離也于寶搜神記曰世說云五郡之人各是異財而逢喪亂常山一人安定一人襄陵一人博陵一人悉皆孤獨俱行衛國同至樹陰因相問姓名各言離亂惻然因相謂曰我等皆無骨肉今日幸得聚會亦天然也因結義為兄弟長字仲伯次名文

仲次名季仲次名叔仲次名雅仲五人因相諾衛國市中見一老母孤單告乞五人收養事奉敬如親母三年母疾五人憂愁不能寢食母曰吾是并州太原人董世臺之女嫁同郡張大賢為妻任北海太守因遭荒亂大賢早卒葬在太原赤山之下八塚同行東頭頭一塚是賢塚也吾死後女等若能送葬到塚側吾願畢矣吾遭荒亂之日有一子姓張名遺年七歲胸中有七竅足下有通徹之文父喪因流浪失汝等宜思記之言訖而卒五人扶喪至太原忽叔仲橫被朝歌令禁繫時有一人走投太守言養母之狀述并葬之由因詰男之形狀太守問之號哭擗地曰此吾母也吾幼小兵革離亂母子相失迄今又哭之乃發使往朝歌迎喪并具表聞奏於魏帝帝善其人義重可以旌之五人各為太守賻贈張遺母喪追封太原縣太夫人仍遷張遺為魏府都護孝心動天地感應昭信矣孝子傳曰晉三州人約為父子父令二人作舍於大澤中欲成父曰不如河邊乃徙焉

人幾成父曰不如河中二人乃負土填河三旬不立有書生過為縛兩土豚投河中父乃止二人曰何嘗見江河填耶吾觀汝行耳明迴至河邊河中土為高大餘袞廣十餘里因居其上是五郡兄弟三州父子古今之事相

**護軍慷慨忠能死節三世為將終於此滅**

護軍謂韋祭也

南史列傳云韋祭字長倩京兆杜陵人也將屯青塘當石頭東路帥所部水陸俱進時昏霧軍人塞道比及青塘夜已過半壘塞至曉未合景登禪靈寺門望祭營未立便率銳卒來攻軍敗乘勝入營左右高馮牽祭避賊祭不動兵死略盡遂見害祭子尼及三弟助警構從弟昂皆戰死親戚死者數百人賊傳祭首闕下以示城下簡文聞之流涕謂御史中丞蕭愷曰社稷所寄惟在韋公如何不弔先死行陣詔贈護軍將軍元帝平侯景追諡忠貞三世為將謂祭祖獻父放與祭三世俱為將也史記王離傳云將三世者敗

**濟陽忠壯身**

叅末將兄弟三人義聲俱唱

濟陽謂江子一子四子五兄弟三人也南史列傳云

江子一字元亮濟陽考城人為南津校尉兄弟性並剛烈及城被圍開明門出戰子一及弟尚書左丞子四東宮殿主子五並力戰直前賊並坐甲不起子一引稍撞之賊縱突騎衆並縮子一刺其騎騎倒稍折賊解其肩時年六十二弟曰與兄俱出何面獨旋乃免胄赴敵子四猶洞胸死子五傷腹還至整一傷而絕漢書項籍傳云范增

為主辱臣死名存身喪狄

一作敵

人歸元三軍悽愴

江子一傳云賊義子一之勇歸之面如生詔贈子一給侍中黃門侍郎子四中書侍郎子五散騎侍郎侯景平元帝又贈三人諡曰義子曰毅子曰烈子史記范蠡曰臣聞主憂臣辱主辱臣死亦見國語左氏傳曰先軫免胄入狄師死焉狄人歸其元面如生尚書多箕守備是長雲梯可拒地道

能防

尚書謂羊侃也南史列傳云羊侃字祖忻泰山梁父人也為都官尚書侯景反攻陷歷陽帝問侃討

景之策侃求以二千人急據采石今邵陵王襲取壽春使景進不得前退失巢窟烏合之衆自然瓦解議者謂景未敢便逼都遂寢其策令王質往侃曰今茲敗矣乃令侃率千餘騎頭望國門景至新林追侃入副宣城王都督城內諸軍事賊至卒迫公私駭震軍旅指揮一決於侃膽力俱壯簡文深仗之及賊逼城衆皆兇懼侃偽得射外矢邵陵西昌侯已至近路衆乃少安賊攻東掖門縱火甚盛侃以水沃滅火射殺數人賊乃退賊為尖頭木驢攻城矢石所不能制侃作雉尾炬施鐵鑊以油灌之擲驢上焚之俄盡賊又起二土山以臨城城中震駭侃命為地道潛引其土山不能立賊又作登城樓高十餘丈欲臨射城中侃曰車登塹虛彼來必倒可臥而觀之及車動米倒衆皆服焉初侃長子鷺為景所執執來城下示侃侃曰我傾宗報主猶恨不足豈復計此一

子幸早殺之數日復持來侃謂驚曰久以汝為死猶在  
即因引弓射之賊以其忠義亦弗之害後大雨城內土  
山崩賊乘之垂入苦戰不能禁侃乃令多擲火為火城  
以斷其路徐於城內築城賊不能進淮南子曰楚欲伐  
宋墨子聞而悼之見楚王王命工輪作為雲梯之械設  
以攻宋墨子設守宋之備九攻而墨子九却之弗能入  
乃偃兵不攻後漢光武記曰昆陽之戰或為地道衝棚撞城

有齊將之閉壁無燕師

之臥牆大事去矣人之云亡

悼羊侃善於防守不幸疾卒也南史羊侃傳云尋以

疾卒於城內史記曰燕軍攻安平田單東保即墨燕既  
盡降齊城惟獨莒即墨不下燕軍聞齊王在莒并兵攻  
之淖齒既殺愍王於莒因堅守拒燕軍數年不下燕引  
兵東圍即墨即墨大夫出戰死城中相與推田單立以  
為將軍以即墨拒燕是齊將閉壁之事也壁壘壁也今  
侃之技巧如鐵籠火牛城中賴以固守故云有齊將之



閉壁也水經注云燕書建平十年慕容寶自河而還軍  
敗於參合死者六萬人十一年垂衆北至參合見積骸  
如山設策弔之死者父兄皆號泣哀慟垂慙憤嘔血因  
而寢疾焉興過平城北四十里疾篤築燕昌城而還亦  
見崔鴻十六國春秋是燕師臥牆之事也慕容寢疾築  
城而還侃疾遂死故云無燕師之臥牆也侃卒而臺城  
遂陷是去矣晉書陶侃傳云賊攻大業壘陶侃欲  
救之長史殷羨曰若遣救大業步戰不如峻則大事去  
矣詩云人之云亡邦國殄  
瘁茲傷羊尚書之死也

申

一作

子奮發勇氣咆勃實

總元戎身先士卒

申子謂柳仲禮也柳仲禮傳云仲禮  
勇力兼人少有膽氣初侯景潛圖反

噉仲禮知之屢欲求以精兵三萬討景朝廷不許及景  
濟江朝廷便望其至兼蓄雍州司精卒與諸藩赴援見  
推總督景素聞其名甚憚之仲禮亦自謂當世英雄莫  
已若也又韋瓘傳云瓘建議推仲禮為大都督報下流

衆軍裴之高自以年位高耻居其下絮乃抗言於衆曰  
今日同赴國難義在除賊所推柳司州者政以久捍邊  
疆先為侯景所憚且士馬精銳無出其前裴公朝之舊  
齒宜應復挾私以阻大計絮為諸君解釋之裴之高泣  
願剖心以示於是諸將定議仲禮方得進軍次新亭陸  
龜蒙小名錄云仲禮小字中子引子山賦云西征賦曰  
何猛氣之咆勃李善注云怒貌也左傳劉丈公曰天子  
之老請帥王賦元戎十乘以先啟行杜預曰元戎戎車  
在前者毛詩傳曰元大也周曰元戎先良也

### 曹落魚門兵填馬窟屢犯通中

### 頻遭刮骨

謂柳仲禮青塘之敗也柳仲禮傳云韋絮見  
攻仲禮方食投箸被練馳之騎能屬者七十

比至絮已敗仲禮因與景戰於青塘大敗之景又與仲  
禮交戰各不相知仲禮稍將及景而賊將支伯仁自後  
斫仲禮再斫仲禮中肩馬陷於淖賊聚稍刺之騎將郭  
山石救之以免自此壯氣外衰不復言戰左傳僖二十

二年公及邾師戰於升陘我師敗績邾人獲公胄縣諸  
魚門杜預曰胄兜鑿魚門邾城門正義曰說文云胄兜  
鑿首鎧也書傳皆云胄無兜鑿之語言兜鑿舉今以曉  
古蓋秦漢以來語兜丁侯反鑿莫侯反鄺善長水經注  
云余嘗至長城其下往往有泉窟可飲馬古詩飲馬長  
城窟行信不虛也史記高祖本紀云漢王出行軍病甚  
因馳入成臯索隱曰三輔故事曰楚漢相距於京索間  
六年自被大創十二通中過者有四言漢王病創也蜀  
志云關羽嘗為流矢所中貫其左臂後創雖愈每至陰  
雨骨嘗疼痛醫曰矢鏃有毒當破臂作創刮骨去毒然  
後此患乃除耳羽  
功業天枉身名埋沒  
傳云柳仲禮自  
便伸臂令醫刮之  
微佞凌蔑將帥邵陵王綸亦鞭策軍門每日必至累刻  
移時仲禮亦弗見也綸既忿嘆怨隙遂成而仲禮亦嘗  
置酒高會曰作優倡毒掠百姓汚辱妃主父津登城謂  
曰汝君父在難不能盡心竭力百代之後謂汝為何仲

禮聞之言笑自若景登朱雀樓與之語遺以金鏤是後  
閉營不戰裴之高王僧辯曰將軍擁衆百萬致宮闕淪  
沒正當悉力決戰何所多言仲禮竟無一言諸軍乃隨  
方各散柳仲禮開營降賊時城雖淪陷援軍甚衆軍士  
咸欲盡力及聞降莫不嘆憤論者以為梁禍始於朱异  
成於仲禮後至江陵會岳陽王譽南寇湘東王以仲禮  
為雍州刺史將侵襄陽岳陽王警告急於魏魏遣大將  
楊忠援之仲禮與戰於滎頭大敗沒於魏魏相安定公  
待以客禮西魏於是盡得漢東史論以為仲禮始終之  
際甚不相副天方喪梁斯人而有斯迹是其功業天枉  
身名埋沒之事也蓋仲禮喪節於侯景俘囚於西魏功  
業何存身名兩失子山之賦所以深恨之尚書鄭注凶  
枉折天

或以隼翼鷲披虎威狐假沾漬鋒鏑脂膏原野

南史侯景傳云景與入援諸軍戰諸軍敗績邵陵王綸  
奔京口賊執西豐公大春綸司馬莊丘慧達直閣將軍

胡子約廣陵令霍雋等來送城下逼令云已禽邵陵王  
霍雋獨云王小失利已全軍還京口城中但堅守援軍  
尋至語未卒賊以刀傷其口景義而釋焉正德乃收而  
害之亢倉子曰以隼翼而拔鷄不明者以為隼明者視  
之乃鷄也戰國策江乙對楚宣王曰虎得狐狐曰無啖  
我天帝命我長百獸我為子先行子隨我後百獸見我  
能無走乎虎隨狐而行百獸皆走虎不知百獸畏已反  
以為畏狐也漢書淮南王諫伐南越書曰甲卒死亡霜  
漬山谷過秦論銷鋒鋌鑄以為金人十二師古曰鋒戈  
戟刃也鋌與鎬同即箭鏃也爾雅釋文孫炎曰膏凝曰  
脂說文曰帶角者脂無角者膏膏肥也爾雅云廣平曰  
原詩傳云郊外曰野魏鼓吹曲克官渡云克紹官渡由  
白馬僵尸流

兵弱虜強城孤氣寡聞鶴唳而心驚聽胡

笳而淚下

晉書載記曰苻堅肥水之敗其走者聞風聲  
鶴唳皆以為晉兵又劉琨傳云琨在晉陽為

胡騎所圍中夜奏胡  
鎔賊皆流涕歛歔

拒神亭而亡戟臨橫江而棄馬

吳志

曰孫策與太史慈鬪策刺慈馬而擊得慈項上手戟慈  
亦得策兜鍪會兩家兵騎並各來赴於是解散策平定  
宣慈住涇縣策躬自攻討遂見囚執即解縛捉其手曰  
寧忘神亭時耶注吳歷云慈於神亭戰敗為策所囚執  
與正史異按本丈乃是敗辭子山所引依吳歷丈也江  
表傳曰孫策說袁術云家有舊恩在東願助舅討橫江  
橫江拔因投本土召募可得三萬兵以佐明使君匡濟  
漢室術許之策渡江攻劉繇牛渚營時彭城相薛禮下  
邳相笮融依繇為盟主禮據秣陵城融屯縣南策先攻  
融因渡江攻禮禮突走而樊能于廩等復合衆襲奪牛  
渚屯策聞之還攻破能等獲男女萬餘人復下攻  
融為流矢所中傷股不能乘馬因自輿還牛渚營

崩於

鉅鹿之沙碎於長平之瓦

漢書曰章邯擊趙大破之趙  
歇陳餘張耳走入鉅鹿城秦

將王離涉間圍鉅鹿章邯軍其南築甬道而輸之粟陳  
餘將卒數萬人軍鉅鹿北請兵項羽乃悉發兵渡河至  
則圍王離與秦軍遇九戰絕甬道大破之殺蘇角虜王  
離涉間不降自燒殺楚擊秦士無不一當十呼聲動天  
地諸侯軍人人喘恐於是楚已破秦軍地理志云鉅鹿  
郿秦置屬益州有鉅鹿縣紂所作沙丘臺在東北七十  
里應劭曰鹿林之大者也臣瓚曰山足為鹿又馮奉世  
傳曰其先馮亭為華陽君與趙將括距秦戰於長平按  
史記趙奢傳秦軍軍武安西秦軍鼓噪勒兵武安屋瓦  
盡振趙奢縱兵擊之大破秦軍後四年趙惠文王卒子  
孝成王立七年秦與趙相距長平趙奢已死子括為將  
秦軍射殺趙括軍敗數十萬之衆降秦秦悉坑之當云  
碎於武安之瓦子山詠懷詩云武安檐瓦拆是  
也此云長平合二戰矣崩沙碎瓦言其振動也於是挂

# 林顛覆長洲麋鹿

謂臺城既陷建康荒蕪也吳都賦曰  
數軍實於桂林之苑劉逵注云吳有

桂林苑也又曰佩長洲之茂苑詩序云閔周之  
顛覆漢書伍被曰子胥云見麋鹿遊姑蘇之臺  
潰潰沸

騰茫茫塤黷天地離阻神人慘酷

詩曰潰潰回遘又曰百川沸騰陸機功臣

頌曰茫茫宇

晉鄭靡依魯衛不睦

謂臺城陷後諸王不急討賊自相猜忌也

宙上塤下黷

左傳周桓公曰周之東遷晉鄭馬依又公叔文子曰太

姒之子惟周公康叔為相睦也言靡依不睦者按侯景

傳時荊州刺史湘東王繹師於武城河東王譽次巴陵

前信州刺史桂陽王曄煩江津並未之進是靡依也又

按河東王譽傳云元帝軍於武城新除雍州刺史張纘

密報元帝曰河東起兵岳陽聚米將襲江陵元帝甚懼

沉米斷纜而歸遣世子方等征之反為譽敗死又令信

州刺史鮑泉討譽亦見敗又遣王僧辯攻譽遂斬譽又

劭陵王綸傳云于時元帝圍河東王譽於長沙既久譽

請救於綸綸欲往救為軍糧不繼遂止乃與元帝書曰



道之斯美以和為貴況天時地利不及人乎豈可手足  
肱支自相屠害即日大敵猶彊天讎未雪余爾昆弟在  
外三人如不匡救安用臣子如使逆寇未除家禍仍構  
料今訪古未或弗亡夫征戰之理義在克勝至於骨肉  
之戰愈勝愈酷捷則非功敗則有喪勞兵損義虧失多  
矣侯景之軍所以未窺江外者正謂藩屏盤固宗鎮彊  
密若自相魚肉是謂代景行師景便不勞兵力坐致成  
效醜徒聞此何快如之元帝復書陳譽有罪不可解圍  
之狀綸省書流涕曰天下之事一至於斯左右聞之莫  
不掩泣於是大修器甲將討侯景元帝聞其盛乃遣王  
僧辯帥舟師一萬以逼綸綸將劉龍武等降僧辯綸遂  
與子躡十餘人走卒為魏人所殺又周書梁王譽傳曰  
朱榮又遣使報云桂陽往此欲應譽譽告梁元帝信之歸  
至江陵收慄殺之元帝之攻譽也譽告急於譽譽聞之  
大怒因攻之元帝大懼遣庾亮謂譽曰正德肆亂天下  
崩離汝復效尤欲將謂何吾蒙先帝愛顧以汝兄弟見

屬今以姪伐叔順逆安在晉謂臯曰家兄無罪累被攻圍同氣之情豈可坐觀成敗七父若顧先恩豈應若是如能退兵湘水吾便旋旆襄陽晉既攻柵退而築城不能自固乃遣使於魏稱藩請為附庸卒有江陵之伐入鄱陽王傳云潯陽王大心遣兵擊荏鐵鄱陽王範遣其弟觀寧侯永將兵通南川助莊鐵時二鎮相猜無復圖賊之志人侯景傳云初援兵至北岸衆號百萬百姓扶老攜幼以候王師纔過淮便競剝掠徵責金銀列營而立互相疑貳郢陵王綸柳仲禮甚於讎敵臨城公大連永安侯確逾於水火無有關心賊黨有欲自拔者聞之咸止其不睦如此晉鄭魯衛皆周宗姬姓以喻梁朝宗室所以深責諸王也

競動天關爭迴

地軸

史記天官書曰黑帝行德天關為之動正義曰黑帝北方協光紀之帝冬萬物閉藏為之動為之開

閉也天一星在五軍南畢西北為天門日月五星所道主邊事亦為限隔內外障絕往來禁道之作違者占芒

角有兵起五星守之主貴人多死也河圖括地象曰地  
下有四柱廣十萬里有三千六百軸海賦人似地軸挺

拔而

**探雀穀而未飽待熊蹯而詎熟**

謂武帝宴駕也侯景傳云景入宮後

每徵求多不稱旨至於御膳亦被裁抑遂懷憂憤五月  
感疾餒崩於文德殿景秘不發喪權殯於昭陽殿自外  
文武咸莫之知二十餘日然後升梓宮於太極前殿迎  
簡文即位又武帝紀云帝疾久口苦索蜜不得再曰荷  
荷遂崩賊秘之太子問起居不得見慟於閣下史記趙  
世家曰公子成李兑圍主父宮主父欲出不得探雀穀  
而食之三月餘餓死爾雅疏云烏子生須母哺而食名  
穀謂燕雀之屬也史記趙武靈王探雀穀而食之是也  
左傳大元年楚成王黜太子商臣商臣以宮甲圍成王  
王請食熊蹯而死弗聽王蒞杜注熊掌難熟冀久將有外  
救人在傳云宰夫胹熊蹯不熟知  
**乃有車側郭門筋懸**

熊蹯為難熟之物也蹯扶元反

# 廟屋

謂侯景惡葬武帝又弑簡文也南史侯景傳云武帝崩及葬修陵使衛士以大釘於要地釘之欲令

後世絕滅簡文帝紀云大寶二年景幽帝於景福殿後王偉乃與彭儁王修纂進觴於帝曰丞相以陛下幽憂既久使臣上壽帝笑曰已禪帝位何言陛下此壽酒將不盡此乎於是儁等并賫酒肴曲項琵琶與極飲帝知將見殺乃盡酣謂曰不徒為樂一至於斯既醉而寢偉乃出僞進慶王修纂坐上乃崩偉徹戶扉為棺遷殯於城北酒庫中左傳襄二十五年崔杼弑其君崔氏側莊公於北郭丁亥葬諸士孫之里四翼不蹕下車七乘不以兵甲杜注云側葬埋之不殯於廟下車送葬之車高誘呂氏春秋注曰齊湣王無道淖齒殺之而擢其筋懸之於東廟終日而死

鬼同曹社之謀人有秦庭之哭

亦見史記田完世家

左氏傳曰初曹人或夢衆君子立於社宮而謀亡曹曹叔振鐸請待公孫彊許之旦而求之曹無之戒其子曰

我死爾聞公孫彊為政必去之及曹伯陽即位好政弋  
曹鄙人公孫彊好弋且言田弋之說悅之因訪政事說  
於曹伯從之乃背晉而奸宋宋人伐之執曹伯陽以歸  
殺之曹遂滅左氏傳曰申包胥如秦乞師立依於庭牆  
而哭七日七夜不絕聲二語傷梁亡建鄴為侯景所據  
也按秦庭之哭與序內忽踐秦庭事同而取意各異彼  
言入長安此言金陵失守二帝遇害已有乞援之志故逃奔江陵矣爾乃假刻璽於關塞

### 稱使者之酬對

以下序已道奔江陵歷盡關塞之苦也漢書酷吏傳曰寧成詐刻傳出關歸家

後漢書曰郭丹從師長安買符入函谷關乃慨然嘆曰  
丹不乘使者車不出關去家十二年果乘高車出關如  
其志焉更始敗諸將悉歸光武並獲封爵丹獨保平氏  
不下為更始發喪哀經畫哀建武二年遂潛逃去敝衣  
間行涉險阻求謁更始妻子奉還節傳乃歸鄉里漢  
舊儀曰奉璽書使者乘馳傳其驛騎也三騎行晝夜千

里為

逢鄂坂之譏嫌值郾門之征稅

史記曰伍胥與太子建之子勝俱奔

吳到昭關關吏欲執之伍胥遂與勝獨自走幾不得脫追者在後索隱曰其關在西江乃是吳楚之境地理志

曰江夏有鄂縣史記曰楚熊渠子立其中子紅為鄂王晉太康地記以為東鄂九州記曰鄂今武昌也庚仲雍

江圖曰蘆洲至樊口二十里伍子胥所渡處樊口至武昌十里江夏為吳楚之境子胥自楚奔吳子山自吳奔

楚關吏譏嫌當引此事入晉書地志云河南陽城有鄂坂關此鄂坂之譏嫌非河南之鄂坂也左傳大十一年

曰初宋武之世鄭瞞伐宋司徒皇父帥師禦之郾班御皇父充石以敗狄於長丘獲長狄緣斯宋公於是門

賞郾班使食其征謂之

乘白馬而不前策青驪而轉礙

劉向曰公孫龍持白馬之論以度關魯女生別傳李少君往河東蒲坂乘青驪按神仙傳蘇仙公桂陽人仙去

騎白馬常在嶺上改牛脾山為白馬嶺桂陽成武丁有  
友人於武昌岡逢之乘白馬西行乃改為驪岡乘馬策  
驪疑假地也吹落葉之扁舟飄長風於上游滕王序云出  
往上游來歸

全楚謂循江而上也白帖云古者觀落葉因以為舟漢  
書貨殖傳曰范蠡乃乘扁舟孟康曰特舟也音匹延反  
後漢書方望曰范蠡乘偏舟於五湖劉邠曰史傳皆作  
扁舟扁特也吳都賦云習御長風漢書項籍傳曰古之  
王者地方千里必據上游文穎曰水之流上游或作流師古曰游流也

彼鋸牙而鉤爪人

循江而習流

言西上江陵途經江夏遇侯景襲郢之兵也侯景傳云大寶二年於大船跨水築城

名曰捍國四月景遣宋子仙襲郢州刺史方諸景乘勝  
西上號二十萬聯旗千里江左以來水軍之威未有也  
淮南子曰鋸牙鉤爪於是摯矣神異經曰窮奇鋸牙鉤  
爪遇忠信之人則噬而食之吳都賦云鋸牙鉤爪自成

鋒頭喻侯景也吳越春秋云勾踐發習流二千人俊士四萬君子六千諸御千人以與吳戰循江習流謂襲郢

之兵也排青龍之戰艦鬪飛燕之船樓南史王僧辯傳云湘州賊陸納造青

龍艦述異記云吳王夫差作天池池中造青龍舟舟中盛陳妓樂日與西施為水嬉是舟舊有青龍之名子山引用之又屬吳事古今合符矣釋名曰上下重牀曰張艦晉今水戰有飛燕船樓樓船也漢有樓船將軍張

遼臨於赤壁王濬下於巴丘乍風驚而射火或箭重而

回舟未辨聲於黃蓋已先沉於杜侯張遼王濬喻王僧辯胡僧祐等也風

驚射火者謂景為火艦燒柵風不便自焚也箭重回舟者謂景遁潛軍夏首又倍道歸建鄴也未辨聲於黃蓋已先沉於杜侯者謂賊任約為陸法和所擒宋子仙丁和為杜龕所擒景不能救也南史王僧辯傳云侯景浮



江西寇軍次夏首僧辯為大都督軍次巴陵景既陷郢  
城將進寇荊州於是緣江屯戍望風請服僧辯並沉公  
私船於水中分命衆軍乘城固守偃旗臥鼓安若無人  
翌日賊衆濟江輕騎至城下景軍內薄苦攻城內同時  
鼓噪矢石雨下賊乃引退元帝人命平北將軍胡僧祐  
率衆援僧辯是日賊復攻城不克人為火艦燒柵風不  
便自焚而退有流星墜其營中賊徒大駭相顧失色賊  
帥任約人為陸法和所擒景乃燒營夜遁旋軍夏首元  
帝以僧辯為征東將軍命即率巴陵諸軍沿流討景攻  
拔魯山仍攻郢即入羅城景聞之倍道歸建鄴賊帥宋  
子仙等困感求輸郢城身還就景僧辯偽許之子仙謂  
為信然浮舟將發僧辯命杜龕鼓噪掩至大破之擒子  
仙丁和等送江陵元帝命生釘和舌斃之郢州平渚  
宮舊事曰景遣任約衆號五萬伐湘東王於江陵兵將  
遁法和乃出詣湘東云自有兵書乞征任約召諸蠻弟  
子八百人在江津二日便發王遣胡僧祐等千餘人與

之同行法和登艦大笑曰無量兵馬江陵多神祠人俗常所祈禱自法和軍出無復一驗人以為諸神皆從行故也至赤洲湖與任約相對法和乘輕舟不介冑沿流而下去約軍一里乃遠謂將士曰觀彼龍睡不動吾軍之龍甚自踴躍即攻之縱火船於前而逆風不便法和執白羽扇以麾風風勢即反約衆皆見梁兵步於水上於是火潰皆投水約逃竄不知所之法 and 曰吾前於此水乾時建一當得及期未得人問之法和曰吾前於此水乾時建一刺語檀越等此雖為刺實是賊標今何不向標下求賊也如其言果見任約在水中抱刺柱頭纔出鼻遂擒之魏志云張遼字文遠雁門馬邑人也合肥之戰遼執甲持戟先登陷陣殺數千人郭二將大呼自名衝壘入至穰麾下權大驚衆不知所為人馬皆披靡無敢當者權收合肥十餘日城不可拔乃引退遼率諸軍追擊幾復獲權太祖大壯遼拜征東將軍時元帝以王僧辯為征東將軍故取以為比張遼本臨合肥而云赤壁者疑是

誤文也。赤壁周瑜事按吳志赤壁之戰曹公軍次江北  
周瑜等在南瑜部將黃蓋取蒙衝鬪艦數十艘實以薪  
草膏油灌其中裏以帷幕上建牙旗先書報曹公欺以  
欲降引次俱前蓋放諸船同時發火時風甚猛悉延燒  
岸上營落煙炎張天軍遂退敗是其事也時臺城既陷  
建鄴吳地已為賊營子山引用張遼王濬皆是攻吳敗  
吳之事不得云周瑜赤壁之兵也故云誤矣晉書曰王  
濬字士治弘農湖人也拜益州刺史武帝謀伐吳詔濬  
修舟艦乃作大船連舫又畫鷁首怪獸於船首以懼江  
神舟楫之盛自古未有濬造船於蜀其木皆蔽江而下  
尋以謠言拜濬為龍驤將軍監益梁諸軍事大康元年  
濬發自成都率巴東監軍廣武將軍唐彬攻吳丹陽剋  
之吳人於江險磧要害之處並以鐵錄橫截之濬作火  
炬長十餘丈大數十圍以麻油在船前遇錄燃炬燒之  
於是船無所礙魏畧曰權乘大船來觀軍公使弓弩亂  
發箭著其船船偏重將覆權因迴船復以一面受箭箭

均船平乃還吳志曰黃蓋字公覆零陵泉陵人也吳書  
曰赤壁之役蓋為流矢所中時寒墮水為吳軍人所得  
不知其益也置廁林中蓋自強以一聲呼韓當當聞之  
曰此公覆聲也向之垂涕解易其衣遂以得生魏志曰  
杜畿字伯侯京兆杜陵人也受詔作御船於陶河試船  
遇風覆沒魏氏春秋曰諸葛誕與僕射杜畿試船陶河  
遭風覆沒誕亦俱溺虎賁浮河救誕  
誕曰先救杜侯誕魏至岸畿竟溺死落帆黃鶴之浦藏

### 船鸚鵡之洲

述異記曰荀環好道術嘗東遊越江夏黃  
鶴樓上望西南有物飄然降霄漢乃駕鶴

之仙也齊諧志曰黃鶴山者仙人子安乘黃鶴過此上  
有黃鶴樓黃鶴一名黃鸛水經注曰江之右岸有船官  
浦歷黃鸛磯西而南直鸚鵡洲之下尾落帆藏船避之  
也按王僧辯平郢州蕭詔為郢州刺史梁宗室傳曰元  
帝封詔為長沙王郢州刺史詔昔為幼童庾信愛之有  
斷袖之歡衣食所資皆信所給遇客詔亦為信傳酒後

為郢州信西上江陵途經江夏韶接信甚薄坐青油幕  
下引信入宴坐信別榻有自矜意信稍不堪因酒酣乃  
徑上韶牀踐蹋肴饌謂曰官今日形容大異近日時賓客滿坐韶甚慙耻即其時也路已分於湘

# 漢星猶看於斗牛

漢書地理志曰零陵郡陽海山湘水所出北入酃入江過郡行一千五百

三十里禹貢嶠冢山西漢所出東過三澨至於大別南  
入江師古曰三澨水在江夏竟陵韶傳云韶為郢州信  
西上江陵途經江夏韶得接信是信由郢而至江陵也  
爾雅曰星紀斗牽牛吳分野謂路已漸入江陵而舊國  
舊都猶望之悵然矣若乃陰陵失路一作絕釣臺斜趣漢書曰項羽至陰陵迷失

道孟康曰縣名屬九江邵述異記曰今陰陵故城九曲  
澤澤中有項王村即項羽迷失路處水經注曰武昌郡  
治城南有袁山即樊山也望赤壁而沾衣艤烏江而不  
北背大江江上有釣臺

渡

赤壁周瑜破曹公處注見前瑜破魏兵於烏林烏林赤壁東下一百一十里烏江項羽敗處漢書項羽敗

遂引東欲渡烏江烏江亭長檣船待謂羽曰江東雖小

地方千里衆數十萬亦足王也羽笑曰乃天亡我何渡

為服虔曰檣音蟻如淳曰南方人謂整船向岸曰檣臣

瓚曰烏江在牛渚述異記曰今烏江長亭亭下有駐馬

塘即當時烏江亭

雷池柵浦鵲

一作

陵焚戍

郭璞江賦曰其旁則

長檣舟待項王處

有雲夢雷池注吳錄曰雷池在皖左傳昭五年楚

伐吳吳人敗諸鵲岸杜預曰廬江舒縣有鵲尾渚旅舍

無煙巢禽無樹

自陰陵以下當謂侯景巴陵失律江郢喪師還奔建康所經之路築柵焚戍也

南史侯景傳云都下戶口百無一二大航南岸極目無

煙又云於是千里絕煙人跡罕見白骨成聚如丘壠焉

人按下大謂衡荆之杞梓康江漢之可恃則巢禽無樹

一語當謂諸王之敗皆不足倚惟湘東可望中興也如

河東王磐為元帝所敗遂見殺郢陵王綰敗走卒為魏人所殺岳陽王磐不能自固請藩於魏且襄陽路遠皆歷有敗亡之禍無可投奔

謂荆衡之杞梓庶江漢之可

恃

謂元帝可恃以靖亂也禹貢云荆及衡陽惟荊州左傳云如杞梓皮革自楚往也人曰江漢唯漳楚之望

也

淮海維揚三千餘里

禹貢云淮海維揚州信自謂過江而上走三千餘里也

過

漂渚而寄食託蘆中而渡水

漢書韓信傳云信至城下釣有一漂母哀之飯信竟

漂數十日信謂漂母曰吾必重報母母怒曰大丈夫不能自食吾哀王孫而進食豈望報乎韋昭曰以水擊絮

曰漂吳越春秋曰伍員奔吳追者在後至江中有漁父子胥呼之曰漁父渡我漁父歌之曰日月昭昭乎侵已馳與子期乎蘆之漪子胥即止蘆之漪漁父又歌曰日已夕兮予心悲月已馳兮何不渡為事浸急兮當奈何

子胥入船乃渡之下尋之津既渡父持麥飯鮑魚羹盡  
漿飲食畢欲去子胥解百金之劍以與漁者遂辭不受  
子胥曰請夫人姓字漁父曰何用姓字子為蘆中人吾  
為漁大人富貴無相忘也子胥既去漁者已覆船自沉  
於江水

### 屈於七澤濱於十死

謝朓辭隋王戲云西澤七澤呂向曰七澤荊州楚境

齊語桓公曰管夷吾射寡人中鉤是以濱於死賈誼書曰十死一生

### 嗟天保之未定見殷

### 憂之方始

詩曰天保定爾詩序云天保下報上也君能下下以成其政臣能歸美以報其上焉言已

奔江陵元帝用已時天保尚未定也潘岳西征賦云憂天保之未定晉書劉琨勸進元帝表云或殷憂以啟聖

明

### 本不達於危行又無情於祿仕

危行見論語

### 謬掌衛於中

### 軍濫尸丞於御史

本傳云元帝承制信除御史中丞及即位轉右衛將軍按左傳三軍有中



軍上軍下軍沈約奏彈王源  
云謬掌天憲書曰太康尸位  
信生世等於龍門辭親同

於河洛奉立身之遺訓受成書之顧託

謂父肩吾卒於江陵也肩吾傳

云奔江陵歷江州刺史領義陽太守封武康侯卒漢書  
曰司馬談為太史公既掌天官不治民有子曰遷遷生  
龍門太史公留滯周南病且卒而子遷適反見父子於  
河洛之間太史公執手而泣曰予先周室之太史也子  
死爾必為太史為太史毋忘吾所著論矣且夫孝始於  
事親中於事君終於立身揚名於後世以顯父母此孝  
之大也蘇林曰龍門禹所鑿也師古曰龍門山其東  
在秦州龍門縣西在同州韓城縣北而河從其中流昔

三世而無慙今七葉而始落

博物志曰太丘長陳實實子鴻臚卿紀紀子司空羣

羣子泰四世於漢魏今朝有重名而其德漸小減時人  
為其語曰公慙卿卿慙長漢書曰金日磾張安世皆七

代仕漢左太沖詠史詩曰金張藉舊業七葉珥金貂下  
云泊予身而七葉子山自言先世之德無慙於卿長及

已身而  
哀落也  
泣風雨於梁山惟枯魚之銜索  
信思親也琴操曰曾子耕太山

下雨雪不得歸思父母作梁山操家語子路見孔  
子曰枯魚銜索幾何不蠹二親之壽忽如過隙  
入歌

斜之小徑掩蓬藿之荒扉就汀洲之杜若待蘆葦之單

衣  
左氏傳曰斬之蓬蒿藜藿而共處之楚辭曰零汀洲兮杜若王逸曰汀平也杜若香草吳志諸葛恪傳云

童謡曰諸葛恪蘆葦單衣篋鈎絡於何相求成子閣成

子閣者反語石子岡也建鄴南有長陵曰石子岡葬者

依然鈎絡者板飾革帶世謂之鈎絡帶恪果以葦席裹

其身而篋束其腰後之於此岡後聽恪故吏歛葬求之

於石子岡云時元帝猜忌信  
憂讒待死若屈原葛恪矣  
於是一作時西楚霸王劍及

繁陽

謂元帝馳檄討景也南史帝紀云承聖元年二月王僧辯發自尋陽帝馳檄四方購侯景及逆者封

萬戶侯開國公綽布五萬足僧辯等遂平景漢書項羽

自立為西楚霸王孟康曰舊名江陵為南楚吳為東楚

彭城為西楚羽都彭城元帝都江陵時元帝承制尚未

正位故以為比左氏傳曰楚子怒劍及於寢門之外人

昭五年云蓬射帥繁陽之師先入南懷楚師從之又襄

四年云楚師為陳敗故猶在繁陽杜預曰鮦陽南有繁

陽亭楚鑿一作兵金匱校戰玉堂太公有金匱書漢書

地也

金匱石室如淳曰金匱猶金滕也衛青傳曰鏖兵皋蘭

一作鏖兵者張衡思玄賦舊注云尚書右秉白旄以麾

秦漢以來即以所執之旗名曰麾謂麾幡曲蓋者也解

朝曰歷金門上玉堂晉灼曰黃圖有大玉堂小玉堂

皆戰艦也晉令云水戰有蒼隼船

蒼鷹赤雀鐵軸牙檣

人陶侃有青雀舟郭璞方言曰今

江東人呼柁為軸，埤蒼曰：柁，帆柱也。古詩曰：象牙作帆，柁言舟師之盛也。

沉白馬而誓衆負

黃龍而渡江海，潮迎艦江萍送王。

王僧辯傳曰：陳武帝率兵五萬，出自南江。

前軍五千行至盬口，與僧辯會於白茅洲，為盟於是。升壇，挿血共讀盟，大辭氣慷慨，皆淚下。霑衿及發鵲頭中江，而風浪師人咸懼，僧辯再拜告天曰：僧辯忠臣，奉辭伐罪，社稷中興，當使風息。若鼎命中論，請從此逝。言訖，風止。自此遂泛安流，有羣魚躍水，飛空引導，賊望官軍有五色雲，雙龍挾纓行，甚迅疾。漢書曰：漢王即皇帝之位，論功而封之。中以丹書之，信重以白馬之盟。吳越春秋曰：禹南渡江，黃龍負舟。吳都賦曰：迎海潮而振綺想萍實之復形。家語曰：楚昭王渡江，江中有物大如斗，圓而赤，直觸王舟。舟人取之，王使使聘於魯，問於孔子。孔子曰：此所謂萍實也，可剖而食之，吉祥也。惟霸者為能獲焉。使者返，王遂食之。

戎車屯於石城

# 戈船掩於淮泗

南史承聖元年三月辛巳王僧辯督諸軍乘潮入淮壬午陳霸先於石頭西落

星岡築柵共攻景陸機飲馬長城窟行曰戎車無亭軌伏滔北征記曰石頭城建康西界臨江城也是曰京師

吳都賦曰戎車盈於石城戈船掩於江湖劉逵注云石城石頭塢也在建鄴西臨江中有庫藏軍儲吳志建安

十六年權徙治秣陵明年城石頭改秣陵為建業山謙之丹陽記云石頭城吳時悉土塢義熙初始加磚甃因

山以為城因江以為池形勢險固有奇氣亦謂之石首城也越絕書曰伍子胥船有戈漢書曰歸義侯嚴為戈

船將軍出零諸侯則鄭伯前驅盟主則荀瑩暮至左氏傳曰

諸侯如楚魯衛曹邾不會鄭伯先待於申六月丙午楚子合諸侯於申又襄十一年四月諸侯伐鄭己亥齊公

子光宋向戌先至於鄭門於東門其暮晉荀瑩至於西郊東舊許時晉主夏盟故曰盟主剖巢燠穴

奔魑走魅

侯景傳云王僧辯等進營於石頭城北景列挑戰僧辯大破之景既退敗不敢入宮歛其

散兵屯於闕下遂將逃王偉按劒攬轡曰自古豈有叛

天子乎今宮中衛士尚足一戰寧可便去景曰我在北

打賀拔勝敗葛榮揚名河朔與高王一種人來南渡大

江取臺城如反掌皆乃所親見今日事恐是天亡乃好

守城當復一決仰觀石闕逡巡歎息乃以皮囊盛二子

挂馬鞍與其儀同田遷范希榮等百餘騎東奔王偉遂

委臺城竄逸左氏傳曰魑魅魍魎莫能逢之杜注魑山

神獸形魑怪物又傳曰投諸四裔以禦魑魅魍魎勒知反

魅反備反吳都賦曰顛覆巢居剖破窟宅埋長狄於駒

淮南子曰越王翳逃山穴越人熏而出之

門斬蚩尤於中冀

謂斬侯景也侯景傳云赤亭之役胡僧祐以羸卒一千破任約精兵二萬

轉戰而東前無橫陣既而侯瑱追及景衆未陳皆舉幡

乞降景不能制乃與腹心人數十單舸走推二子於水

自卮漬入海至胡豆洲前太子舍人羊鯤殺之送於王  
僧辨左氏傳曰鄒瞞伐齊遂伐我公使叔孫得臣追之  
敗狄於鹹獲長狄僑如富父終甥春其喉以戈殺之埋  
其首於子駒之門帝王世紀曰黃帝戮蚩尤於中冀之  
野

### 燃腹為燈飲頭為器

侯景傳云景宴集其黨召王僧通僧通取肉搗鹽以進景問曰

好不景答所恨大鹽僧通曰不鹽則爛及景死僧辨截  
其二手送齊文宣傳首江陵果以鹽五斗置腹中送於  
建康暴之於市百姓爭取屠膾羹食皆盡焚骨揚灰曾  
罹其禍者乃以灰和酒飲之首至江陵元帝命梟於市  
三日然後煮而漆之以付武庫後漢書董卓既斬乃尸  
卓於市天時始熱卓素充肥脂流於地守尸吏然火置  
卓臍中光明達曙漢書張騫傳云匈奴破月氏王以其  
頭為飲器又匈奴傳以所破月氏王頭共飲血盟師古  
曰飲酒之器也戰國策云趙襄子最怨知伯漆其頭以為飲器

直虹貫壘長星屬地

侯景傳云白虹貫日三重天文志云周禮眡祲氏掌十  
輝之法以觀妖祥辨吉凶七曰彌謂白虹彌天而貫日  
也凡白虹者百殃之本衆亂所基姦臣謀君擅權立威  
虹頭尾至地流血之象晉宣帝紀云有長星墜於諸葛  
之壘又時有長星自西南流於東北  
墜於梁帝斬公孫文懿於星墜之所  
昔之虎踞

一作

龍

盤加以黃旗紫氣莫不隨狐兔而窟穴與風塵而殄瘁

傷故國之凋殘也侯景傳云王克開臺城門引裴之橫  
入宮縱兵蹂掠是夜遺燼燒太極殿及東西堂延閣秘  
署皆盡羽儀輦路莫有孑遺王僧辯命武州刺史杜蒧  
救火僅而得滅臺城都下戶口百遺一二張勃吳錄曰劉  
備曾使諸葛亮至京因觀秣陵山阜乃嘆曰鍾山龍盤  
石城虎踞帝王之宅也司馬德操與劉恭嗣書曰黃旗  
紫氣恒見東南終成天下者揚州之君乎潘岳西征賦  
云狐兔窟穴於殿傍張景陽七哀詩云狐兔窟其中燕



穢不復掃詩大雅瞻卬云邦國  
殄瘁毛傳云殄盡也瘁病也

西瞻博望北臨玄圃

南史宋武

帝紀云於博望梁山立雙闕陸機詩有皇太子宴玄圃  
宣猷堂應令之作梁昭明太子於玄圃穿築與朝士名  
素者遊其中又簡文帝嘗於玄圃述武帝所製五經講  
疏聽者傾朝野按漢時有博望苑崑崙之山有玄圃蓋  
舊有此月榭風臺池平樹古

沈約郊居賦曰風臺累翼  
月榭重栢戰國策雍門周

曰曲池入以平王褒  
詩云百年餘古樹

倚弓於玉女牕扉繫馬於鳳凰樓

柱魯殿光嚴賦云玉女窺牕而下  
視晉宮闕名洛陽有鳳凰樓

仁壽之鏡徒懸茂陵

之書空聚

晉書陸機傳云機與弟雲書仁壽殿前有大  
方銅鏡高五尺餘廣三尺二寸暗著庭中向

之便寫人形體漢武帝內傳云帝崩三日  
崩時遺詔以雜書三十餘卷常讀玩之使隨身歛到建

康二年河東功曹李友入上黨抱犢山採藥於巖室中得此經盛以金箱卷後題東觀臣姓名記月日武帝時也河東太守張純以經箱奏進帝問武帝時左右近臣有典書中郎冉登見經及箱流涕對曰此孝武皇帝殯殮時物也知帝為得仙之下者矣漢武好道梁武佞佛故用此語益傷之也

若夫立德立言

謨明寅亮聲超於繫表道高於河上

悼簡文帝也梁本紀云帝諱綱字世

讚武帝第三子幼而聰睿六歲能屬文及長器寬弘未嘗見喜愠色尊嚴若神眇睒則目光燭人讀書則十行俱下藻辭豔發博綜羣言善談玄理自十一便能親庶務歷試藩政所在稱美性恭孝居穆貴嬪喪哀毀骨立所坐席霑濕盡爛及居監撫多所弘宥文簿部領纖毫必察弘納文學之士接賞無倦自幽繫之後為文自序云有梁正士蕭世讚立身行道始終始若一風雨如晦雞鳴不已弗欺暗室宣況三光數至於此命也如何益賢

君也左傳叔孫豹曰太上有立德其次有立功其次有立言此之謂不朽書謨明弼諧寅亮天地世說荀爽曰象外之意繫表之言神仙傳云河上公者莫知其姓氏漢文帝時結草為菴于河之濱帝讀老子經頗好之時皆稱河上公更不遇於浮丘遂無言於師曠

劉向列仙傳云王子

喬周靈王太子晉也好吹笙作鳳鳴遊伊洛問道士浮丘公接上嵩山二十餘年後來於山上告桓良曰告我家七月七日待我於緱氏山頭果乘白鶴駐山顛望之不得舉手謝時人而去汲冢周書云晉平公使叔譽聘於周見太子晉與之言五稱而三窮歸告平公師曠曰請使瞽臣往與之言師曠見太子晉曰吾後三年將上賓於帝所汝慎無言師曠歸未及三年告死者至喻簡文為太子時為賊所制不能遇浮丘公卒至於死也太清二年景入都後三年為大寶二年帝為景所弑是無言於師曠也以愛子而託人知西

# 陵而誰望

隋書云臺城陷後太子以幼子大圍屬相東

女而指季豹以示四子曰以累汝因泣下傷哉曩以天下自任今以愛子託人又曰吾婕妤妓人皆著銅爵臺

於臺堂上施八尺牀張總帳朝脯上脯脯之屬月朝十五日輒向帳作妓汝等時時登銅爵臺望吾西陵墓田

## 非無北闕之兵猶有雲臺之仗

南史柳敬禮傳云景餞仲禮於後渚敬禮謂仲

禮曰景今來會敬禮抱之兒便可殺雖死無恨仲禮壯其言許之不敢動景征晉熙敬禮與南康王會禮謀襲

其城剋期將發建安侯蕭賁告之遂遇害臨死曰我兄老婢也國家敗亡實余之責今日就死豈非天乎又南

康王會理傳云景往晉熙都下虛弱會理復與柳敬禮及北兗州司馬成欽謀之敬禮曰舉大事必有所資今

無寸兵安可以動會理曰潮熟有吾故舊三千餘人昨來相知剋期響應計賊守兵不過千人若大兵外攻吾

等內應直取王偉事必有成縱景後歸無能為也敬禮  
曰善於時百姓厭賊咸思用命建安侯賁以謀告王偉  
偉遂收會理遇害侯景傳云南康王會理之事景謂簡  
大欲謀之遂懷逆謀言當此之時如南康王柳敬禮等  
非無北闕內應之兵而賊之心腹如王偉蕭賁等其守  
兵猶有雲臺之伏以致忠臣見戮帝遂被弒終簡文之  
死也漢書云更始初義兵入長安誅王莽莽將王邑等  
拒擊北闕下魏志高貴鄉公髦甘露五年注魏氏春秋  
曰帝自將以從僕射李昭黃門從官焦伯等下陵雲臺  
鎧伏授兵欲因際會自出討文王時侯景入宮王偉等  
以甲防守皆美主兵

### 司徒之表裏經綸孤偃之惟王實

故引雲臺之伏云

### 勤

司徒謂王僧辯也梁書曰王僧辯字君才右衛將軍  
神念之子也討景逆寇悉平京都剋定世祖即帝位

以功進授司徒為司徒在平景後此在後稱之也左傳  
僖二十五年云秦伯師於河上將納王狐偃言於晉侯

曰求諸侯莫如勤王言今日僧辯之師猶昔日狐偃勤王之舉也

橫珣戈而對霸主執

金鼓

一作鞭

而問賊臣

晉語云韓簡挑戰撝公衡珣戈出見使者漢書吳王濞傳云漢兵至

膠西王卬袒叩頭漢軍壁弓高侯執金鼓見之

平吳之

功壯於杜元凱王室是賴深於溫太真

晉書云杜預字元凱咸寧中武

帝有滅吳之計惟預與武帝合後預遂平吳晉書始則

地名全節終則山稱枉人

水經全鳩澗水酈元注述征記曰全節地名也潘岳西征

賦曰紛吾既邁此全節李善注云全節即漢書全鳩里庚太子死處圖經曰全節在閔鄉縣東十里鳩澗西水經注云沅水又東歷小彎謂之枉渚東鳴澗西渚東里許便得枉人山隋書地理志云汲郡黎陽有枉人山隋

圖經曰枉人山谷名或云殷討殺  
此干於此因得名古凡伯國也

南陽

一作山

校書去之

已遠上蔡逐獵知何晚

謂僧辯父子為陳武帝所誅也王僧辯傳云元帝江陵之

敗僧辯未至而荊州已滅及敬帝初即梁王位僧辯預  
援立功承制齊文宣又納貞陽侯蕭明以為梁嗣僧辯  
不納後納之遣龍舟法駕往迎貞陽會於江寧浦明踐  
位僧辯常處石頭城會江淮人報云齊兵大舉至壽春  
僧辯謂齊軍必出江表因遣記室參軍以事報陳武仍  
使整舟艦器械陳武宿有圖僧辯志及聞命留時城中  
街杖而進縱火焚之僧辯共顧下就執是夜及子顧俱  
被絞殺時壽春竟無齊軍又非陳武之謫殆天授也南  
陽校書去之已遠者哀僧辯功成見殺也上蔡逐獵知  
之何晚者罪僧辯內有粵主而外求君以致父子俱戮  
也吳越春秋云越王賜文種屬鏹之劍種得劍嘆曰南  
陽之宰而為越王之禽史記曰李斯具五刑出獄與其

中子俱執顧謂其子曰吾欲與若復牽黃犬出上蔡東門逐狡兔其可得乎李斯舍扶蘇而立胡亥且父子同戮故取以為此僧辯既死陳武遂致受禪梁之社稷存亡繫於王公故賦終言之

### 鎮北之負譽

矜前風颼凜然

鎮北謂邵陵王綸也侯景傳云邵陵王綸率西豐公大春新塗公大戊永安侯

確等馬步二萬發自京口直據鍾山景黨大駭咸欲逃散分遣萬餘人拒戰綸大破之於愛敬寺下景初聞綸至懼形於色及敗軍還尤言其威命具舟石頭將北濟任約曰去鄉萬里走欲何之戰若不捷君臣同死草間乞活約所不為景乃止所謂負譽矜前風颼凜然者也云矜前者綸卒為景所敗還奔京口其譽不終也云鎮北者按綸傳大同中綸嘗為揚州刺史揚州在江北故云鎮北也至太清元年又遷郢州矣負譽謂邵陵討景時有此威望若其少時險躁幾絕人道不足譽也

### 水神遭箭山靈見鞭是以蟄



熊傷馬浮蛟沒船

一作爲亦謂綸少時險躁不爲山川之靈所祐故討景之功不成也隋書

五行志云綸將兵援臺城至鍾山有鰐熊噬綸所乘馬南史邵陵王傳云綸討景發白下中江而浪起有物傷

舟將覆識者尤異之及次鍾陵景已渡采石綸乃晝夜兼道旋軍入赴濟江中流風起人馬弱者十一二一作

爲邵陵王子確傳云侯景乞盟憚確在外啟求召確確遂入城景愛其膂力恒令在左右後從景仰見飛爲羣

賊爭射之不中確射之應弦即落賊徒忿嫉咸勸除之後真景獵鍾山同逐禽引弓將射景弦斷不得發賊覺

殺之是併序綸子確之死也史記云秦始皇夢與海神戰如人狀問占夢博士曰海神不可見以大魚蛟龍爲

候乃令入海者齋捕魚具而自以連弩候大魚出射之至之不見巨魚射殺一魚遂並海西至平原津而病三

齊略記云始皇作石橋欲過海看日出處有神人驅石下海而去不速神輒鞭之石皆流血

才子併

命俱非百年

按武帝有子八人故賦比之高陽之數名曰才子併命謂元帝與之作難也南史列

傳云綸大脩器甲將討侯景元帝遣王僧辯逼之軍潰後為西魏楊忠陸通所害俱非百年者謂兄弟猜忌家禍疊構邵陵既亡江陵亦敗俱不能永年也左傳云高陽氏有才子八人中宗之夷山靖亂

大雪冤恥

謂元帝也梁帝紀云世祖孝元皇帝諱繹字世誠武帝第七子也天監十三年封湘東王

太清元年為荊州刺史太清二年承制江陵明年平侯景元帝廟號世祖云中宗者以其啟中興之業若晉元帝矣千寶晉紀總論曰故大命集於中宗皇帝夷山靖亂大雪冤恥者謂其能平侯景報萬民之冤泗兩君之恥去代邸而承基遷唐郊而纂祀

謂元帝由湘東王而承帝業也梁帝紀云

承聖元年冬十一月丙子皇帝即位於江陵漢書文帝紀云奉天子法駕迎於代邸帝王世紀云摯登帝位封

異母弟放勳為唐侯  
後受摯禪是為帝堯

反舊章於司隸歸餘風於正始

後漢

光武紀云更始將北都洛陽以光武行司隸校尉使前  
整修宮府於是致僚屬作文移從事司察一如舊章衛  
玠別傳曰玠至武昌見王敦與之談論彌日信宿敦顧  
謂僚屬曰昔王輔嗣吐金聲於中朝此子復玉振於江  
表微言之緒絕而復續不晤永嘉之中復聞正始之  
音阿平若在當復絕倒見劉孝標世說注亦見晉書

沉

猜則方逞其欲藏疾則自矜於已天下之事沒焉諸侯

之心搖矣

梁本紀云帝性好矯飾多猜忌於名無所假  
人微有勝已者必加毀害帝姑義興昭長公

主子王銓兄弟八九人有盛名帝妬忌其美遂改寵姬  
王氏兄王珣名琳以同其父名忌劉之遴學使人鵠之  
如此者甚衆雖骨肉亦徧被其禍南史論曰元帝居勢  
勝之地啟中興之業既雪讎耻且應天人而內積猜忍

外崇矯飾攀號之節忍酷於踰年交省之制申情於木  
偶竟而雍州引寇釁起河東之戮益州親尋事習邵陵  
之窘悖辭屈於僧辯殘虐極於圓正不義不昵若斯之  
甚而復謀無經遠心勞志大近捨宗國遠迫強鄰外弛  
藩籬內崇講肄卒於湊至戕隕方追始皇之迹雖復文  
籍滿腹何救社稷之墟歷觀書契以來未有三葉遘愆  
若蕭宗之酷也諸侯心既而齊交北絕秦患西起  
搖為下齊交秦患張本齊謂

也秦謂西魏也西魏都長安是秦地也梁本紀云承聖  
元年齊將潘樂丰術等攻秦郡王僧辯遣將杜嗣帥衆  
拒之齊人又賀侯景平二年九月齊遣郭元建等帥衆  
傾合肥又承聖二年五月魏大將尉遲迴進兵逼巴西  
潼州刺史楊乾運以城納迴先是魏使宇文仁恕來聘  
齊使至江陵帝接仁恕有闕魏相安定公憾焉使柱國  
萬紐于謹來攻十月魏軍至襄陽梁王蕭譽率衆會之  
卒有江陵之禍戰國策云秦欲伐齊齊楚之交善王患

之張儀南見楚王曰大王苟能閉關絕齊臣請使秦王獻商於之地方六百里楚王大悅羣臣聞見者畢賀陳軫獨不賀曰西生秦患北絕齊交兩國之兵必至矣

况背關

一作闕

而懷楚異端委

而開吳

謂元帝安總江陵不復歸都建業也漢書項羽傳贊云及羽背關懷楚左傳哀七年云子貢對

宰詔曰太伯端委以治周禮杜預曰端委禮衣也吳都賦云有吳之開國也肇自泰伯

驅綠林之

散卒拒驪山之叛徒營軍梁涿蒐秉巴渝

謂元帝拔逆黨任約謝答

仁於獄以攻蜀也武陵王紀傳云魏軍侵蜀魏將尉遲迴逼涪水楊乾運降之迴即趨成都五月紀次西陵軍容甚盛元帝命護軍將軍陸法和立二城於峽口名七勝城鎖江以斷峽時陸納未平蜀軍復逼元帝甚憂法和告急旬日相繼元帝乃拔任約於獄以為晉安王司馬徹禁兵以配之并遣劉棻共約西赴六月紀築連城

攻絕鐵鎖元帝復於獄拔謝答仁為步兵校尉配衆一  
旅上赴紀頓兵日久頻戰不利師老糧盡智力俱殫又  
魏人入劔閣成都虛弱憂懣不知所為遂致於敗按元  
帝紀魏尉遲迴平蜀在承聖二年八月蜀平而江陵隨  
之矣及元帝敗魏人燒柵朱賈臣謝答仁勸帝乘暗潰  
圍出就任約答仁又求自扶帝帝問伊躬王褒褒曰答  
仁侯景之黨豈是可信成彼之勳不如降也信譏元帝  
復用侯景之黨以抗拒骨肉也渚宮舊事云初陸法和  
擒任約於水中約言求就師目前死法和曰檀越有相  
必不死且於王有緣決無他慮王於後微得檀越力果  
釋用為郡守後漢書劉玄傳云新市人王匡王鳳與諸  
亡命藏於綠林中注綠林山在荊州當陽縣東北也漢  
書英布傳布反薛公曰布以驪山之徒自致萬乘此皆  
為身不顧後慮左傳莊四年云楚武王伐隨卒於櫛木  
之下令尹闔祁莫敖屈重除道梁嗟營軍臨隨隨人懼  
行成杜注嗟水在義陽厥縣西東南入鄖水梁橋也地

理志云巴屬益州故巴國左傳云巴子使韓服告楚是後漢書曰閬中有渝水其人多居水左右天性勁勇喜歌舞高祖觀之曰此武王伐紂之歌也乃命樂人習之所謂巴渝舞營軍梁漾蒐乘巴渝者言自楚攻蜀也左傳苗賁皇曰蒐乘補卒注云蒐閱也問諸淫昏之鬼求諸厭劾之符

承聖二年

上問武陵王東下使方士畫版為紀像親釘支體以厭之左傳僖十九年云宋公使邾文公用鄫子於次睢之社以屬東夷司馬子魚曰今一會而虐二國之君又用諸淫昏之鬼將以求霸不亦難乎魏志董卓傳注獻帝起居注曰李催性喜鬼怪左道之術常有道人及女巫謳擊鼓下神祭祠六丁符劾厭勝之具無所不為

荆

門遭廩延之戮

謂元帝命樊猛斬武陵王紀也南史列傳云武陵王紀字世詢武帝第八子也

特為帝愛天監十三年封武陵王大同三年為都督益州刺史大寶二年僭號於蜀改年天正魏人侵蜀元帝

遣任約謝答仁上赴紀將軍侯獻為任約謝答仁所破  
紀頻敗知不振遣署度支尚書樂奉業往江陵論和緝  
之計元帝知紀必破遂拒而不許於是兩岸十餘城遂  
俱降遊擊將軍樊猛率所領至紀所紀在船中遠牀而  
走以金擲猛等曰此顧卿送我一見七官卿必當富貴  
猛曰天子何由可見殺足下此金何之猶不敢逼固而  
守之法和馳啟上密敕樊猛曰生還不成功也猛遂斬  
紀荆門接元帝與紀書又為詩曰回首望荆門驚浪且  
回奔四鳥嗟長別三聲悲夜猿圓正在獄中連句曰水  
長二江急雲生三峽昏顧貫淮南罪思報阜陵恩帝看  
詩而泣荆州記曰荆門上合下開開達山南有門之形  
故曰荆門後漢書注云荆門山名在今硤州宜都縣西  
北今猶有故城基址在山上廩延用春秋其叔段事以  
元帝不兄也左傳云鄭莊公弟大叔段又收貳以為己  
邑至於廩延大叔將襲鄭公夏口一作首盪達泉之誅謂元  
命子封帥車三百乘以伐京



帝攻邵陵王綸綸卒為魏所殺是禍由元帝也邵陵王傳云邵陵攜王綸字世調武帝第六子也大寶二年綸

至夏口承制百官湘東王繹遣王僧辯帥舟師逼之僧辯據郢州綸為西魏所害是元帝逼之以至於死故曰

誅也邵陵王乃元帝之兄故用季友醜兄之事左傳莊

三十二年云成季使以君命命偃叔待於鉞巫氏使鉞

季醜之歸及遼泉而卒偃叔成季皆桓公之子以喻邵

陵相東皆武帝子以弟害兄也夏口者左傳云吳伐楚

楚沈尹戌奔命於夏汭杜預曰漢水人口今夏口也郡

國志南郡津鄉注曰史記云蘇秦說楚威王楚東有夏

州左傳云楚莊伐陳鄉取一人以歸謂之夏州今夏口

城有州名夏口晉志云武昌沙羨縣有夏口對汭口有

津水經注云對黃鵠岸入汭津故城以夏口為名亦沙

夷縣治也一名夏首楚辭曰過夏首而西浮王逸注云

夏首水

口也

茂因親以教

一作

愛忍和樂於彎弧

孝經云因親以教愛

孟子曰其兄彎弓而射之詩云兄弟既翕和樂既一作既言不能兄弟親愛而反以彎弧為和樂也

# 無謀於肉食非所望於論都

南史曰侯景平王僧辯啟送秘府圖籍勅周弘正雖

校時朝議遷都但元帝再臨荆峽前後二十餘年情所

安戀不欲歸建鄴兼故府臣僚皆楚人並欲即都江陵

云建康蓋是舊都彫荒已極且王氣已盡兼與北近若

有不虞悔無所及且臣等又聞荆南有天子氣今其應

矣元帝無去意時尚書左僕射王褒及弘正咸侍帝顧

曰卿意何如褒等以帝猜忌弗敢衆中公言唯唯而已

褒後因清閒密謀還丹陽甚切終不引納他日弘正乃

正色諫於再三曰若如士大夫惟聖王所都本無定處

至於黔首未見入建鄴城便謂未是天子猶列國諸王

今日付百姓之心不可不歸建鄴當是頗相酬許弘正

退後黃羅漢宗懷乃言弘正王褒東人乃勸東下非為

國計弘正復面折二人帝欲徧試人情曰欲吾去者左

但於是左祖過武昌太守朱買臣復勸上遷曰買臣家在荊州豈不願官長住但恐是買臣富貴非官富貴耳帝深感其言卒不能用及于謹入江陵朱買臣按劍進曰惟斬宗懷黃羅漢可以謝天下帝曰曩實吾意宗黃何罪左傳云長勺之戰曹劌請見其鄉人曰肉食者謀之又何問焉劌曰肉食者鄙未能遠謀杜預曰肉食者在位者說苑曰晉東郭氏上書於獻公公曰肉食者已慮之矣對曰忽使肉食失計於廟堂藿食寧得不肝腦塗地也陸士衡云無以肉食資取笑藜與藿是也後漢杜篤傳云光武欲建都洛邑篤以關中先帝舊京不宜改營作論都未深思於五難先自擅於二

一作三端

左傳昭十三年云韓

宣子問於叔向曰子干其濟乎對曰難宣子曰同惡相求如市賈焉何難對曰取國有五難有寵而無人一也有人而無主二也有主而無謀三也有謀而無民四也有民而無德五也楚君子干涉五難以弑舊君誰能濟

之武陵王紀傳云元帝與紀書曰吾膺此樂推事歸當  
壁當壁即左傳康王諸子事故取子干為此言其未思  
五難也二端帝常自托諸葛桓溫惟張纘許焉是二端  
又曰我韜於文士魏於武夫亦是二端三端帝能詩工  
書善畫自圖宣尼像為之贊而書之時人謂之三絕韓  
詩外傳云君子避三端文士筆端勇士鋒端辯士舌端  
登陽城而避險臥砥柱而求安

謂元帝即安荆楚猶登至險以避險臥不安以

求安也左傳昭四年云司馬侯對晉侯曰陽城九州之  
險也杜注云陽城在河東陽城縣東北禹貢曰南至於  
華陰北至於底柱又曰底柱析城至於王屋  
師古曰底柱在陝縣東北在河中形若柱也既言多於

忌刻實志勇而形

一作刑

殘但坐觀於時變本無情於急

難

言元帝忌克殘忍當按師討景時但坐觀時變而無  
兄弟急難之義如於邵陵武陵河東桂陽之屬俱自

相屠戮也左傳云晉惠公反國秦伯謂公孫枝曰夷地  
吾其定乎對曰今其言多忌克難哉詩云兄弟急難地

惟黑子城猶彈丸其怨則黷其盟則寒

元帝紀云自侯景之難州郡大

半入魏自巴陵以下至建康緣以長江為限荊州界武  
寧西拒峽口自嶺以南復為蕭勃所據大軌所同千里  
而近人戶著籍不盈三萬中興之盛盡於此矣黷怨寒  
盟如魏宇文仁恕來聘帝接有闕致起魏師詳見前注  
漢書賈誼上疏云淮南之北大諸侯厓如黑子之著面  
史記平原君傳趙郝曰此彈丸之地左氏傳曰君無怨  
黷人子貢對宰嚭曰宣冤禽之能塞海非愚叟之可移

盟可尋也亦可寒也

宣冤禽之能塞海非愚叟之可移

山

山海經云赤帝之女嬉遊東海溺而死不返化為冤禽名曰精衛常取西山木石以填東海博物志云有

鳥如烏文首白喙赤足曰精衛常取西山之木石以填  
東海列子云大行王屋二山方七百里高萬仞本在冀

州之南河陽之北北山愚公年九十面山而居懲山北之塞出入之迂也聚室而謀曰吾與汝畢力平險指通豫南達於漢陰可乎襍然相許其妻獻疑曰以君之力曾不能損魁父之丘如太行王屋何且焉置土石襍曰投諸渤海之尾隱土之北遂率子孫荷擔者三夫即石壑壤箕畚運於渤海之尾鄰人京城氏之孀妻有遺男始齠髻往助之寒暑易節始一反焉河曲智叟笑而止之曰甚矣汝之不惠以殘年餘力曾不能毀山之一毛其如土石何北山愚公長息曰汝心之固固不可徹曾不若孀妻弱子雖我之死有子存焉子又生孫孫又生子子孫無窮匱也而山不加增何苦而不平河曲智叟無以應操蛇之神聞之懼其不已也告之於帝帝感其誠命夸蛾氏二子負二山一厓朔東一厓雍南自此異之南漢之陰無隴斷焉喻元帝以荊州小國搆釁兄弟結怨強况以沴氣朝浮妖精夜隕赤烏則三朝夾鄰不量力也

# 日蒼雲則七重圍軫

謂元帝即位以來災異迭見梁運將終也元帝紀云承聖元年冬天

門山獲野人星隕吳郡淮南有野象數百宣城郡猛獸暴食人二年春南宮門鑰牡飛兩龍見湘川三年春主衣庫見黑蛇遠之並黑色帝退居栖心省又有蛇從屋墮落帝帽忽然便失城濠中龍騰出燠爛五色竦躍入雲六七小龍相隨飛去羣魚騰躍墜死於陸道城上常有紫氣至時消歇及魏軍至柵是夜有流星墜城中又歲星在井熒惑守心後漢書五行志云氣之相傷謂之沴注尚書大傳曰凡六沴之朝歲之朝月之朝日之朝則后王受之左氏傳曰楚有雲如衆赤烏夾日以飛三日楚子問諸周太史太史曰其當王身乎春秋文耀鉤云楚有蒼雲如霓圍軫七蟠中有荷斧之人向軫而蹲於是楚唐史畫遺灰而雲滅故曰唐史之策上滅蒼雲地理志云楚地亡吳之歲既窮入郢之年斯盡

左傳昭三十二

年云吳伐楚史墨曰不及四十年越其有吳乎越得歲而吳伐之必受其山至哀二十二年越滅吳又昭三十一年趙簡子夢童子羸而轉以歌占諸史墨曰六年及此月也吳其入郢乎入郢必以庚辰定四年庚辰吳入郢北史藝術傳庾季才曰秦將入郢陛下宜還都以避其患

周舍鄭怒楚結秦寬有

南風之不競值西鄰之責言

周書蕭譽傳云魏恭帝元年令于謹伐江陵譽以兵

會之周舍鄭怒者謂譽以元帝殺其兄譽遂結讐也左傳云周鄭交惡又僖二十四年王怒將以狄伐鄭楚結秦寬者謂西魏來伐也左傳襄十八年曰晉人聞有楚師師曠曰不害吾驟歌北風又歌南風南風不競多死聲楚必無功元帝紀云魏師至帝在幽逼求酒飲之製詩四絕其一曰南風且絕唱西陵最可悲今日還蒿里終非封禪時春秋僖十四年云晉侯及秦伯戰於韓獲晉侯左傳曰初晉獻公筮嫁伯姬於秦遇歸妹之睽其



繇曰西鄰責言不可償也言楚有可敗之道西魏乘機而入也

俄而梯衝亂舞冀馬雲

屯

魏志公孫瓚與子續書曰袁氏之攻狀若鬼神鼓角鳴於地中梯衝舞於城上左傳云冀之北土馬之所

生陸機詩曰胡馬如

雲屯言魏師之盛也

伐秦車於暢轂沓漢鼓於雷門

秦風

小戎之詩云小戎伐收毛傳云小戎車也伐淺收軫也

又云文茵暢轂毛傳曰暢轂長轂也正義曰淺收暢轂

皆謂兵車也兵車言淺軫長轂者對大車平地載任之

車為淺為長也漢書王尊傳曰毋持布鼓過雷門師古

曰雷門會稽城門也有大

下陳倉而連弩渡臨晉而橫

鼓越擊此鼓聲聞洛陽

船

蜀志云建興六年冬諸葛亮出散關圍陳倉亮性長

於巧思損益連弩木牛流馬皆出其意漢書云韓信

進兵擊魏魏威兵蒲坂塞臨晉信乃益為疑兵陳船欲

渡臨晉而伏兵從夏陽襲安邑魏豹驚引兵迎信信遂

約 魏

雖復楚有七澤人稱三戶箭不麗於六麋雷無驚

於九虎

言江陵防守之弱不足抵西魏之師也子虛賦云臣聞楚有七澤嘗見其一未見其餘也左傳

哀五年云晉執蠻子與其五大夫以畀楚師於三戶杜元凱曰今丹水縣北有三戶亭三戶楚地或云屈景昭

為三戶非也左傳宣十二年邲之戰云樂伯射麋麗龜晉魏錡如楚致師楚滿黨逐之及熒澤見六麋射一麋

以顧獻王子年拾遺記曰太初謠言云三七末世雞不鳴狗不吠宮中荆棘亂相繫當有九虎爭為帝至王莽

篡位將軍有九虎之號矣後漢書馮衍傳曰皇帝破百萬之陣摧九虎之軍雷震四海注云莽末拜將軍九人

皆以虎為號

辭洞庭兮落木去沔陽兮極浦

謂已時去江陵身在長安也木

傳云聘於西魏屬大軍南討遂留長安楚辭曰洞庭波兮木葉下又曰望沔陽兮極浦王逸曰沔陽江倚名也

近附郢極遠也浦漚也呂向曰峇陽浦接於楚都也後漢馮衍傳注云洞庭湖名也中有洞庭山在今岳州西

南云辭去者言已

人長安離楚地也熾火兮焚旗貞風兮害蠱

左傳晉獻公之筮曰

車說其輓火焚其旗不利行師敗於宗丘秦伯伐晉卜徒父筮之其卦遇蠱曰千乘三去三去之餘獲其雄狐夫狐蠱必其君也蠱之貞風也其悔上也乃使玉軸揚歲云秋矣我落其實而取其材所以克也

灰龍文折柱

元帝紀云魏軍燒柵元帝焚古今圖書十四萬卷以寶劍繫柱折之曰文武之道盡

於此矣龍文劍名博物志云龍文吳王使干將所作

下江餘城長林故營

下江長林梁時

屬武寧郡魏軍至襄陽梁王營率衆會之武寧為襄陽接境武寧既失遂入江陵王琳傳云湘州武陵平元帝性多忌以琳所部甚盛又得衆心故出之嶺外其友李膺帝所任遇琳告之曰琳蒙拔擢常欲畢命以報國恩

今天下未平遷琳嶺外如有萬一不虞安得琳力何不  
以琳為雍州刺史使鎮武寧琳自放兵作田為國禦捍  
膺然其言而不敢啟故率衆至嶺南元帝為魏園逼乃  
徵琳赴援琳師次長沙而魏已平江陵矣漢書王莽傳  
曰南郡張霸江夏羊牧王匡等起雲杜綠林號曰下江  
兵晉灼曰本起江夏雲杜縣後分西上入南郡屯藍田  
故號下江兵也後漢書郡國志曰南郡編縣有藍口聚  
注云下江兵所據宋書州郡志云武寧長林晉安帝立  
隋書地理志云

**徒思拊馬之秣未見燒牛之兵**

言魏軍  
濟漢襲

武寧執宗均遂至江陵也公羊傳云圍者拊馬而秣之  
使肥者應客史記田單傳曰單為齊將守即墨城燕師  
攻城田單取牛千頭衣以五采束茅盾於其角繫火於  
其尾穿城而出城上大聚燕師大敗言此武陵郡下江  
長林本可固守惜無

**章曼枝**

一作走

**以轂走宮之奇以族**

行

言江陵敗亡之日去國者多也元帝紀云魏人燒柵買臣謝答仁勸帝乘暗潰圍出就任約王褒不可答

仁又請守子城收兵可得五千人帝然之即授城內大都督既而又召王褒謀之答仁請入不得嘔血而去裴

政犯門而出徐世譜任約自馬頭走巴陵約後降於齊世譜入陳韓子曰智伯欲伐仇猶國道險難不通乃鑄

大鐘遺之載以廣車仇猶大悅險塗內之章曼支諫不聽曼支因斷轂而馳至十九日而仇猶亡也左傳僖五

年曰晉侯復假道於虞以伐虢宮之奇諫弗聽許晉使宮之奇以其族行曰虞不臘矣在此行也晉不更舉矣

晉滅虢

河無冰而馬渡關未曉而雞鳴

後漢書光武紀曰光武至潁沱

河王霸詭曰水堅可渡遂前至河河冰已合乃渡未畢數騎而冰解博物志曰燕太子丹至於秦請歸聞秦王

之謬言仰而嘆焉即頭白俯而嗟焉即生角秦王不得已遣之為機發之橋欲陷丹丹驅馳過之而橋不發遁

到關關門不開丹為雞鳴於是衆雞悉鳴關開遂歸又  
史記曰孟嘗君為秦所囚賂幸姬得出夜半至關關法  
雞鳴乃出客客有善為雞鳴者野  
雞皆應乃出二語亦言去國者也

忠臣解骨君子吞

聲

謂王琳陸法和等也王琳已見北史藝術傳及渚宮  
舊事並曰陸法和聚兵鰲欲襲襄陽而入武關帝

使止之法和乃致其兵謂使者曰法和求道之人尚不  
希帝釋天王豈窺人主之位但與主有香火因緣救援  
耳今既被疑是業不可改也於是設供養具大餽餅及  
西魏舉兵法和赴江陵帝又使人逆之曰此自能破賊  
但鎮郢州不須動也法和乃還州壅其城門著三麤白  
布衫布褲邪巾大繩束腰褰葦席終日乃脫之及聞梁  
滅復取前凶服著之受弔梁人西人魏果見餽餅焉  
國語聖人不失忠臣解骨恨賦云莫不飲恨而吞聲

章

華望祭之所雲夢偽遊之地

江陵故楚都章華雲夢皆  
楚地以下言江陵既敗魏

軍縱其屠戮也左傳昭七年曰楚靈王即位為章華之宮又曰楚子成章華之臺願與諸侯落之杜云章華南郡華容縣又哀六年楚昭王曰三代命祀祭不越望江漢睢漳楚之望也禍福之至不是過也漢書陳平傳曰漢六年人有告楚王韓信反者帝問平平曰古者天子巡狩諸侯南方有雲夢陛下第出偽遊雲夢會諸侯於陳陳楚之西界信聞天子好出遊其勢必郊迎謁而陛下因禽之特一力士之事耳帝行至陳楚王信果郊迎即執縛之後漢書郡國志曰南郡華容雲夢荒谷縊於在南晉書地理志曰南郡編縣有雲夢官

莫敖冶父囚於羣帥硎谷

一作

摺拉鷹鷂批攢

元帝紀云丁亥

魏軍至柵下戊申胡僧祐朱買臣等出戰買臣敗績辛亥魏軍大攻帝出枇杷門親臨陣戰僧祐中流矢薨軍敗反者斬西門守卒以納魏軍帝見執將軍杜畿畿弟機並受害謝答仁三人相抱俱見屠汝南王大封尚書

左僕射王褒以下並為俘以歸長安乃選百姓數萬口  
分為奴婢小弱者皆殺之左傳桓十三年云楚屈瑕伐  
羅羅與盧戎兩軍之大敗之莫敖縊於荒谷羣帥囚於  
治父以聽刑杜曰荒谷治父皆楚地郡國志云江陵有  
津鄉注云荊州記曰西北有小城名曰治父衛宏詔定  
古文官書序曰秦既焚書患苦天下不從所改更而諸  
生到者拜為郎中前後七百人密令冬月種瓜於驪山  
硎谷中溫處瓜實詔博士說之人人不同乃令就視先  
為伏機諸生賢儒皆至焉方相難不已發機填之以土  
皆壓之終乃無聲後漢書陳蕃傳注今新豐縣溫湯處  
愍儒鄉湯西有馬谷西岸有坑古老相傳以為秦坑儒  
處也史記范雎傳曰魏齊使舍人笞擊雎拉脇摺齒左  
傳季文子曰如鷹

冤霜夏零憤泉秋沸

淮南子曰鄒衍  
盡忠於燕惠王

鸛之逐鳥雀焉

惠王信讒而繫之衍仰天而哭正夏天為之降霜後漢  
書曰耿恭據疏勒城七月匈奴來攻遂於城下擁絕澗



水吏士渴乏恭仰嘆曰聞昔貳師將軍拔佩刀刺山飛泉湧出今漢德神明豈有窮哉乃整衣服向井再拜為吏士禱有頃泉水奔出按耿恭出泉在秋七月天根水涸時故以秋沸為異也

**城崩杞婦之哭竹染**

**湘妃之淚**

左傳襄二十三年曰齊莊公襲莒杞梁華旋載甲夜入宿於莒郊莒子親鼓之從而伐之獲杞

梁莒人行成齊侯歸遇杞梁之妻於郊使弔之辭曰殖之有罪何辱命焉若免於罪猶有先人之敝廬在下妾不得與於郊弔齊侯弔諸室列女傳曰杞梁妻齊杞梁殖之妻也齊莊公襲莒殖戰而死杞梁之妻無子內外皆無五屬之親就其夫屍於城下而哭之城為之崩述異記曰湘水去岸三十里有相思宮望帝臺昔舜南巡而葬於蒼梧之野堯之二女娥皇女英追之不及

**水毒秦涇山高趙陘**

以下

言江陵百姓被擄之時在道路之苦也左氏傳曰晉鄭伐秦秦人毒涇上流師人多死趙陘即井陘趙地漢書曰張

耳韓信欲東下井陘擊趙未至井陘口三十里使人拔趙幟立漢幟破趙成安君禽趙王歇者是也

十里五里

長亭短亭

漢書曰秦法十里一亭亭有長漢因之不改漢官儀曰十里一亭亭長亭侯五里一郵郵間相去二

里半司姦盜白孔六帖云

饑隨蟄燕暗逐流螢

何法盛中興晉書曰中原

喪亂鄉人遂共推郤鑒為主與千餘家避暑於魯國嶧山有

重險百姓饑饉野無生草掘野鼠蟄燕而食之後漢靈帝紀

曰閔貢扶帝與陳留王協夜步逐螢光還至帝舍張璠漢紀

曰帝為諸黃門所劫出穀門走至河上諸黃門既投水死帝

與陳留王獨夜步行欲還宮暗暝遂

秦中水黑關上泥青

禹貢

螢火而行數里得民家以露車載送

曰黑水西河惟雍州師古曰西距黑水雍州秦地晉書姚弘

載記曰劉裕次於陝城遣沈林子率精兵萬餘越山開道會

沈田子等於青泥將攻堯柳泓使姚裕率步騎八千距之泓

退次於霸上關中水經注曰藍田嶢柳城魏置清渥軍於城

內世謂之清渥城也藍田縣南有峽關地名峽柳水經注所謂清渥城疑即清泥城矣地理志曰秦西有清泥關於

時瓦解冰泮風飛電散

於時以下言江陵闔城長幼被擄入關也春秋運斗樞曰不能宣德天下

瓦解冰泮漢書徐樂上書曰何謂瓦解吳楚齊趙之兵是也楊泉物理論云熱氣散而為電

渾然千里溜

渾一亂

北史庾季才傳曰荊州覆亡衣冠士人多沒為賊季才散所賜物購求親故周文乃悟免梁俘為婢者數

千口列子云口將爽者先辨溜渾張湛注溜音縹渾音乘溜水出魯郡茌蕪縣渾水西自北海郡千乘縣界流至壽光縣

二水相合說符篇曰溜渾之合易牙嘗之爽差也溜渾水異味既合則難別呂氏春秋云孔子曰溜渾之水合者易牙嘗

而知之亦見淮南子劉幹新論曰溜味異質晉王以溜渾二水合羹與張華餘華曰此羹有溜渾二水味也以喻當時貴

賤紊亂盡被擄辱矣

雪暗如沙冰橫似岸

按魏平江陵獻俘長安在冬十二月南史殷不害傳云魏

平江陵時天寒雪凍死者填滿溝壑不害與王褒庾信俱入長安矣范雲詩云寒沙四面平飛雪千里驚鮑照冬至詩曰層冰如玉岸逢赴洛之陸機見離家之王粲言江陵亡

冰如玉岸

逢赴洛之陸機見離家之王粲

已在長安

遇諸見俘之人也晉書曰陸機年二十而吳滅太康末與弟雲同入洛機集有赴洛詩有赴洛道中詩二首魏志曰王粲山陽高平人少而聰慧有大才仕為郎時董卓作難仲宣避難荊州依劉表遂登江陵城樓因懷歸而作登樓賦述其進退危懼之情也莫不聞隴水而掩泣向關山而長嘆郭仲產秦州記曰隴山東西百八十里登山嶺東望秦川四五百里極目泯然山東人行役升此而顧瞻者莫不悲思故歌曰隴頭流水分離四下念我行役飄然曠野登高遠望涕零雙墮古樂府相和歌有度關山曲江淹恨賦云明妃去時仰天太息紫臺稍遠關山無極況復君在交河妾在青波

後漢

書耿恭傳云擊車師攻交河城注前書車師前王治交  
河城河水分流遶城下故號交河去長安八千一百五  
十里故城在今西州交河縣也史記陳涉世家曰黥布  
擊秦左右校破之青波復以陳為楚青波楚地謂君往  
秦川妾留楚地夫婦離  
別之辭設為閨怨也

### 石望夫而逾遠山望子而愈多

劉義慶幽明錄曰武昌北山上有望夫石狀如人立俗  
傳云古者有貞婦其夫從役遠征餞送此山立望夫而  
死化為石因以名山又劉澄之鄱陽記曰鄱陽西有望  
夫岡昔縣人陳明與梅氏為婚未娶妖魘詐迎婦去請  
卜者決云行五十里求之明如言見大穴深邃無底以  
繩懸人遂得其婦乃令婦先出而明所將鄰人秦文遂  
不取其妻乃自誓執志登此岡而望其夫因以  
名焉述異記曰中山有韓夫人愁思臺望子陵才人之

### 憶代郡公主之去清河

玉臺新詠謝朓有詠郎鄆故才  
人嫁為廝養卒婦詩史記張耳

傳及楚漢春秋並曰趙王武臣為燕軍所獲囚於燕獄  
先後使者往請輒為燕所殺趙有廝養卒謝其舍中曰  
吾將載趙王歸舍中人笑之乃走燕壁以利害說燕將  
燕以為然乃歸趙王廝養卒御王以歸武臣歸趙以美  
人妻養卒以報之是其事也晉書賈后傳曰臨海公主  
先封清河洛陽之亂為人所略傳賣吳興錢溫溫以送  
女女遇主甚酷元帝鎮建業主詣縣自言元帝誅溫及  
女改封臨海宗正曹統尚之晉書地理志云清河國屬  
冀州

相陽

一作揚

亭有離別之賦臨江王有愁思之歌

漢書藝文

志有別相陽賦五篇又臨江王及愁  
思節士歌詩四篇服虔曰相音翊

別有飄飄武威羈

旅金微

別有以下信自謂奉使留秦有鄉關之思也本  
傳云南北流寓各許還國惟信及王褒並惜而

不遣漢書曰霍去病破匈奴左右地置武威等四郡又  
地理志曰武威郡故匈奴休屠王地武帝太初四年開

後漢書曰竇憲遣耿种等擊北單于於金微山趙班超至書曰飄飄遠遊之士戰國策腹擊曰臣羈旅也班超

生而望返溫序死而思歸

後漢書班超傳曰超久在絕域年老思歸乃上疏曰臣不

敢望到酒泉但願生入玉門關又獨行傳曰溫序字次房太原人也建武六年拜謁者遷護羌校尉序行部至襄武為隗囂別將苟宇所拘劫序素有氣力大怒叱宇等曰虜何敢迫脅漢將遂伏劍而死光武聞而憐之命送喪致洛陽城傍為冢地除三子為郎中長子壽夢序告之曰久客思鄉里壽即棄官上書乞骸骨歸塋帝許之乃反

李陵之雙鳬永去蘇武之一雁空飛

李陵別蘇武詩云雙

鳬俱北飛一鳬獨南翔子當留斯館我當留故鄉漢書蘇武傳曰武留匈奴中常惠教漢使謂單于曰天子射上林中得雁足有繫帛書言武等在某澤中單于驚謝歸武

若江陵之中否乃金

陵之禍始

承聖三年魏剋江陵明年敬帝至建鄴是仍都金陵也三年陳受禪是金陵之禍矣雖

借人之外力實蕭牆之內起

北史蕭譽傳云譽既與江陵構隙恐不能自固大統

十五年乃請使稱藩為魏附庸周文令祭酒榮權使馬  
譽大悅是歲柳元禮率衆進圖襄陽譽懼乃遣其妻王  
氏及世子寮為質以請救周文又令榮權策命譽為梁  
王譽乃於襄陽置百官承制封拜魏恭帝元年周文令  
柱國于謹伐江陵譽以兵會之遂平江陵是借人之外  
力也北史庾季才傳云梁元帝頗明星歷謂季才曰朕  
猶慮禍起蕭牆季才曰秦人將入郢陛下宜留重臣作  
鎮荆陝還郢以避其患帝然之與宗懔等議乃止俄而  
江陵覆歿按譽以侄伐叔是蕭牆之內起也左傳臧武  
仲曰今將借人之力以救其死蕭牆見論語鄭注云蕭  
之言肅也牆謂屏也君臣相見之禮而加肅敬焉是以謂之蕭牆

撥亂之主忽焉中興



之宗不祀

撥亂中興謂元帝也元帝平侯景啟中興之業故云元帝紀云帝見執如梁王蕭譽營甚

見詰辱營遣尚書傅準監行刑進土囊而殞之營使以布帊裹屍歛以蒲席束以白茅以卓一乘奠於津陽門

外左傳臧文仲曰臯

伯兮叔兮同見戮於猶子

伯叔猶言長幼

陶庭堅不祀忽諸

哀太子元良及始安王方畧也猶子謂岳陽王譽對元帝而稱譽為昭明第三子於元帝為叔姪也國風旄丘

云叔兮伯兮何多日也鄭云叔伯字也人擇兮云叔兮

伯兮倡予和汝毛云長幼鄭云兄弟之稱按古人字五

十以伯仲若孟仲叔之類謂元帝子若長若幼皆見戮

於元帝之猶子也元帝紀云江陵之禍愍懷太子元良

及始安王方畧等

荆山鵲飛而玉碎隋岸蛇生而珠死

皆見害是其事也

韓子曰楚人和氏得玉璞於荆山之下奉而獻之文王使玉人治其璞而得寶鹽鐵論曰崑山之旁以玉璞抵

烏鵲淮南子曰隋侯之珠和氏之璧得之而富失之而貧高誘曰隋侯見大蛇傷斷以藥傅而塗之後蛇於夜中銜大珠以報之因曰隋侯之珠括地志云潁山一名崑山一名斷蛇丘在隨州隨縣北一十五里珠玉俞帝

子鬼火亂於平林殤魂遊於新市

傷戰爭之後中興之臣死傷者多也鬼火

燐也殤魂即傷魂鳥名博物志曰鬪戰死亡之處其人馬血積年化為燐燐著地及草木如露畧不可行或有觸者著人體便有光拂拭便分散無數愈甚有細咤聲如炒豆惟靜住良久乃滅後其人忽忽如失魂經日乃差淮南子曰人血為燐許慎注云兵死之血為鬼火王子年拾遺記曰惠帝元熙二年改為永平元年常山郡獻傷魂鳥狀如雞毛色似鳳帝惡其名棄而不納復愛其毛羽當時博者云黃帝殺蚩尤有驅虎誤噬一婦人七日氣不絕黃帝哀之莫以重棺石擲有鳥翔其塚上自呼為傷魂則此婦人之靈也平林新市皆楚地也後

漢光武紀曰伯升於是招新市平林兵注云新市縣屬江夏郡故城在今鄧州富水縣東北平林地名在今隨州隨縣東北按後漢中興始兵有新市平林之號當時胡僧祐等皆元帝中興之臣至是皆戰鬪而死是以傷之

**梁故豐徙楚實秦亡不有所廢其何以昌**

梁故豐徙謂元帝從

建鄴徙都江陵也江陵楚地魏都關中秦地魏滅梁是楚實秦亡也漢書高帝贊曰劉向云戰國時劉氏自秦獲於魏秦滅魏遷大梁都於豐故周市說雍齒曰豐故梁徙也史記曰楚雖三戶亡秦必楚本豐故梁徙而云梁故豐徙本亡秦必楚而云楚實秦亡皆反文以切時事也左傳里克對惠公曰不有所廢其何以昌廢指江陵之敗又指建鄴之祥也興謂北周之

**有媯之後將育**

盛又謂陳武之篡也二語為下張本

**於姜輸我神器居為讓王**

有媯謂陳武帝也陳氏本媯姓虞舜之後在周為陳國春

秋時陳公子完奔齊其後遂姓陳氏陳武自襲殺王僧  
辯後而梁祚日微陳氏日盛矣讓王謂敬帝也梁本紀  
云敬帝諱方知字慧相元帝第九子也承聖三年魏剋  
江陵陳霸先以帝為梁王太宰四年二月於江州奉迎  
至建鄴九月即帝位改紹泰元年二年改元太平太平  
二年十月帝遜位於陳陳受命奉帝為江陰王陳本紀  
云陳高祖武帝諱霸先字興國吳興長城下若里人其  
本甚微自云漢太丘長竇之後以太平二年冬十月受  
梁禪改永定元年左氏傳曰陳公子完奔齊初懿氏卜  
妻敬仲其妻占之曰吉是謂鳳皇于飛其鳴將將有姁  
之後將育於姜老子曰天下神器不可為也  
西征賦云輸文武之神器莊子有讓王篇

天地之大

德曰生聖人之大寶曰位

二語為下江東全棄鵠首賜  
秦張本周書梁王誓傳云江

陵平營將尹德毅說營欲設享會因請于謹字為歡預  
伏武士因而斃之江陵百姓撫而安之文武官僚隨即

詮授魏人攝息未敢送死王僧辯之徒折簡可致然後  
朝服濟江入踐皇極晷刻之間大功可立啓曰魏人待  
我甚厚原未可背德若遂為卿計則鄧祈侯所謂人將不  
食吾餘也既而闔城長幼被擄入闔又失襄陽之地啓  
乃追悔曰恨不用尹德毅之言以至於此是蕭譽慙時賦  
序云于謹平梁之後闔城長幼被擄入闔人失襄陽故  
地乃曰恨不用尹德毅言以致於是又見邑居殘毀干  
戈日尋耻威累不振常懷憤懣乃著慙時賦以見其意  
大蕭譽存荊州之舊隙慙魏人之小恩雖取江陵空城  
而長幼被擄弱小加刑既傷好生之心又失大寶之位  
使雍州西去建鄴東亡此下皆深咎之以

**用無賴之子**

**弟舉江東而全棄**

謂丹陽諸郡皆為陳有也無賴子弟  
謂陳霸先也霸先其本甚微故云漢

書吳王濞傳云表茲曰吳所誘皆無賴子弟故相率以  
反高祖本紀云高祖奉玉卮起為太上皇壽曰始大人

常以臣無賴晉灼曰許慎云賴利也或曰江湖之間謂小兒多狻猊為無賴

惜天下之一家

遭東南之反氣

謂晉與元帝本一家而反適資強敵也南史鄱陽王範傳云朱异謂武帝曰昔

陛下登北顧亭以望謂江右有反氣骨肉為戎首漢書高祖召吳王濞曰漢後五十年東南有反氣豈若耶然

天下一家

以鶡首而賜秦天何為而此醉

按周書江陵平太祖立晉

慎無反

為梁王居江陵東城資以江陵一州之地其襄陽所統盡歸於周人按襄陽形勝之地乃是梁朝創基之所故賦深悼之賜秦謂為西魏所有也張衡西京賦曰昔者天帝悅秦繆公而觀之饗以鈞天廣樂帝有醉焉乃為金策錫用此土而翦諸鶡首虞喜志林曰嘯曰天帝醉秦暴金誤隕石墜謂秦繆公夢天帝鈞天廣樂已有此謗漢書云自井至柳謂之鶡首之次秦之分野也隋書地理志云尚書荆及衡陽惟荊州上當天文自張十

七度至軫十三度為鶡首於辰在巳楚之分野有南郡夷陵竟陵沔陽沔陵清江襄陽春陵漢東安陸永安義陽九江江夏諸郡自晉氏南遷之後南郡襄陽皆為重鎮九江襟帶所在江夏竟陵各置名州為藩鎮重寄按今襄陽既已歸周資以江陵空城復置防主統兵西域名曰助國外示助警備禦內實防營是鶡首之次襄陽南郡皆失之矣

且夫天道迴旋生民預焉余烈祖於西晉始流

播於東川洎余身而七葉又遭時而北遷

言八世祖洎昔遭西晉永

嘉之亂播遷江陵今已值梁承聖之年又自江陵北遷長安是天道之迴旋也北史云洎過江家南郡江陵縣禹貢南條荆山在東北漳水所出東至江陵故云東川傷已流寓不歸也提挈老幼闕河累

年死生契濶不可問天

滕王序云信攜老人闕烝烝色養子山謝趙王啟又云某息荀

娘傷心賦云一女成人一長孫孩穉是子山老幼並入  
長安也潘岳西征賦曰携老幼而入關詩云死生契濶

與子成說毛萇曰契濶  
勤苦也楚辭有天問

况復零落將盡靈光歸然

典略魏文

帝與吳質書曰何圖數年之間零落略盡王延壽魯靈  
光殿賦曰遭漢中微盜賊奔突自西京未央建章之殿  
皆墮壞而靈光歸然獨存喻知  
交將盡惟已獨存若魯靈光矣日窮於紀歲將復始逼

迫

一作切

危慮端憂暮齒

月令十二月日窮於次月窮於紀星周於天數將幾終歲且更

始謝莊月賦云端憂多暇言國  
破之後永滯異域故憂慮也

踐長樂之神臯望宣平

之貴里

三輔黃圖曰長樂宮本秦之興樂宮也高皇帝  
七年長樂宮成徙居長安城在長安中近東直

杜門長安城東北頭第一門曰宣平門民間所謂東都  
門即二疏帳欽逢萌掛冠處也西京賦云實為天地之



與區神臯揚銜之洛陽伽藍記曰清陽門內有永和里  
里中太傳錄尚書長孫穉等六宅皆高門華屋當世名  
為貴  
**渭水貫於天門驪山迴於地市**  
三輔黃圖曰始皇築咸陽宮引渭水

灌都以象天漢桑欽水經曰渭水出隴西首陽縣渭北  
亭南烏鼠山又東過長安縣北鄠元注云秦始皇作離  
宮於渭水南北以象天宮辛氏三秦記曰驪山始皇陵  
作地市生死人交易市平不得欺死人云秦王地市有  
斷馬利後漢郡國志曰新豐  
有驪山杜預曰古驪戎國  
**幕府大將軍之愛客丞相**

**平津侯之待士**

本傳云世宗高祖並雅好文學信特蒙恩禮至於滕趙諸王周旋欵至有若布

衣之交世宗明帝也魏恭帝三年曾授大將軍高祖武帝  
也孝閔踐祚時亦拜大將軍滕王適天和末拜大將軍  
又滕王序云及晉國公護俱禮重信按護傳孝閔踐祚  
護拜大冢宰高祖立百官總已以聽於護自太祖為丞

相立左右十二軍總屬相府太祖崩後皆受護處分是  
護為丞相矣信追序二帝諸王寵遇之盛也漢書音義  
曰衛青征匈奴大克獲帝就拜大將軍於幕中因曰幕  
府西京雜記曰平津侯自以布衣為宰相乃開東閣營  
客館以待國士其有德任毗贊佐理陰陽者處欽賢之  
館其有才堪九列將軍二千石者居翹材館其有一介  
之善一方之藝者居接士之館而躬自菲薄所得俸祿  
以奉待之漢書曰武帝封公孫弘為平津侯弘乃起賓  
館開東閣以延賢人與參謀議

見鐘鼎於金張聞絃歌於許史

漢書鄭昌上書

訟蓋寬饒曰上無許史之屬下無金張之託師古曰許  
氏史氏有外屬之恩金氏張氏自託在於近狎也左太  
沖詠史詩曰朝集金張館暮宿許史廬  
言已仕周得與貴戚交游非其好也

宜知灞陵夜獵

猶是故時將軍咸陽布衣非獨思歸王子

此子山鄉關之思一篇之


致意也史記云李廣家居數載與故潁陰侯孫屏野居  
藍田山中射獵常夜從一騎出從人田間飲還至灞陵  
亭灞陵尉醉呵止廣廣騎曰故李將軍尉曰今將軍尚  
不得夜行何故也止李廣宿亭下謂已猶是梁故右衛  
將軍也又史記云楚頃襄王使黃歇與太子完入質於  
秦秦留之數年楚頃王病太子不得歸而楚太子與秦  
相應侯善於是黃歇乃說應侯曰今楚王恐不起疾秦  
不如歸其太子太子得立其事秦必重而德相國無窮  
若不歸則咸陽一布衣耳怨錄云楚王之子質於秦不  
得歸作思歸歌曰洞庭兮木秋沔陽兮草衰去千乘之  
家國作咸陽之布衣按梁國子孫客長安者有汝南王  
大封晉熙王大國並簡文帝子又宜都王圓肅武帝之  
孫武陵王紀之子其別支則有成安王秀之子永豐侯  
撫鄱陽王恢之子豐城侯世怡皆梁之令望與子山同  
時羈旅見於史傳者也集中蕭世怡誌銘云嗟南國之  
王子成東陵之故侯亦同此意此言思歸者不獨梁嗣

庚子山集卷二

謹案第四十五頁前一行取蒙衝鬪艦刊本衝訛  
銜今改

第五十三頁後一行持姬女而指季豹刊本持訛  
指據文選改





總校官進士臣胡榮

校對官助教臣金學詩

謄錄貢生臣汪長鎰